

# KAHA JINO YESU

## VAMUSANYIKILE NA KWIZA



Mukakujila Yowano, kapetulu 11, kuputuka na vasi 18, Ngwatondo kutanga.

*Jino ku Mbatane kwapwile kwakamwihi na Yelusalama, kafwe tando yamasatela likumi naatanu:*

*Kaha va Yuleya vavavulu vejile kuli Malita na Maliya, mangana vavavendejekele hakufwa chandumbwavo.*

*Kaha Malita hakwivwa ngwavo Yesu ali nakwiza, ayile nakumusesa: oloze Maliya hanga natwamina mu zuvo.*

*Malita amwambile Yesu ngwenyi, Ove Mwata, kachi wapwanga kuno kachi, ndumbwami kafwileko.*

*Oloze noholili Ngunatachikiza ngwami, vyeshovyoy nauya nakulomba kuli...Kalunga, Kalunga mwakuhanavyo.*

*Yesu himwamwamba ngwenyi, Ndumbwove mwasanguka cheka.*

*Malita amwambile ngwenyi, Ngunatachikiza ngwami mwakasangukaka ha kusanguka cha halikumbi lya kukuminjina.*

*Yesu amwambile ngwenyi, Ami yami kusanguka, kaha...kuyoya: ou mwangwitavila yami, chipwe nafu, oloze mwakayoya:*

*Kaha wose nayoyo na kufwelela muli Yami keshi kuka kafwako. Wafwelela echi?*

*Malita himwamwamba ngwenyi, Eyo mwane, Mwata: Ami ngunetava ngwami Ove yove Kulishitu, Mwana Kalunga, uze wakwiza hano hamavu. (Kaha tala chize!)*

*Kahajino hakutulisa kuhanjika ngocho, ayile, amusanyikile songo yenyi Maliya kupenge, amwambile ngwenyi, Uze Mukakunangula neza, ali nakukusanyika.*

<sup>2</sup> Echa etu tulombe. Tata wa Mwilu, yinjikiza awa Mazu kumichima yetu, ufukuuno, shimbu etu tulinakuvandamina kuli Ove jino. Lizu Lyove, Ngamba yove, kushisaho, vili vyosena vyakulihana kuli Ove, mu Lijina lya Yesu Kulishitu. Amena.

Munahase kupwa kutwama.

<sup>3</sup> Punga yami kupwa hano nakweseka kukafwa vathu ja Kalunga. Keshi chikuma mukulombako, kaha kunangika

mavoko hali vakakuviza, oloze vakiko vanahase kutachikiza Yesu Kulishitu mukachi ketu, kupwa Mwana Kalunga mukachi ketu. Etu tulinakuhanjika ufukuuno ha mutwe wachihande: *Kaha Jino Yesu Vamusanyikile Na Kwiza.*

<sup>4</sup> Jino halwola kana etu tulinakuhanjika, lwapwilenga lwola lwa kuhomba. Kachi enu mwanangaho lyehe mujimbu wa chiyoyelo cha Mwata wetu, etu tunawane nge Ikiye apwilenga Sepa wamunene kuli ou kanyike walunga, Lazalu. Ikiye apwilenga . . . Hanyima yakufuma kuli Yosefwa, mokomoko, Ikiye tele naye nakutwama na Malita, Maliya, na Lazalu. Kaha vakiko vapwilenga masepa vavanene. Vakiko vapwilenga . . . Ikiye apwilenga apwilenga nge kafunga kuli vakiko, kupwa—kupwa vene Sepa. Kaha vamutungilele Ikiye na tuma tumwe twakuvwala twatundende, kochi yakuvwala, Ngwafwelela, vakiko valivulukile, kaha chakutunga chosena chamingilingili. Kaha jino vakiko vamutungile vyuma Ikiye, mwomwo vakiko vamufwelele Ikiye. Echi chapwilenga vakiko—vakiko vafwelele kaha vamwene chize. Vakiko vasele liuka, kaha shikaho na vyangocho, kumukavangiza Ikiye. Kaha chize chapwilenga chuma chachinene muli lize likumbi, chize chapwilenga fweto yakupwa kufwa, na—na kuya nakufuma kuli echi.

<sup>5</sup> Oloze, Yesu, uze Mukweze apwilenga nakuya nakujinguluka vakiko vamuvulukilenga, kupula mauka avo, kaha kuhanjika vyuma vyavipi hali uze kapilishitu kavo, na—na vyangocho, Ikiye apwilenga—Ikiye apwilenga hanalingi ponde kuli vakiko, mukiko vashinganyekele. Kaha—kaha nakumwitavila Ikiye nge mwaya nakupwa na—na kumufumisa mujisunangonga. Kaha jino kachi enu munafumu muliuka, vakiko—vakiko vashinganyekele enu kamweshi numba na—numba na chihela cha kusokololako. Kachi enu kamwapandama kuchihanda chimwe, nge Fwaliseu, Sanduke, mokomoko chumachimwe, kuze kakweshi kusokoka kachi enu mwapwile kuweluka wa chize. Kaha kachi vakiko vali nalisesa, jisapi, kaha vakiko chinahase kukutapula ove kachi vakiko vachitondele. Chize chinapu kuhanjika chavo. Shikangaho Yesu ambile ngwenyi, “Ove, ha chisemwa, nalingisa Lizu lya Kalunga kupwa lyakuhonona ngolo.” Talenu?

<sup>6</sup> Kaha jino echi chinahiluka cheka, mwomwo etu vosena vanatachikiza mujimbu kuhiluka cheka lyavene kakavulu. Kaha echi—echi chinapu chaushona kuhanjika, kaha echi chinalingika echi cheka.

Etu tuwane nge Yesu kavamujinyinenga kanawa.

<sup>7</sup> Lwola lwaluvulu, vathu veji kutonda kusopesa muthu uze kazangile kwitaviza na vakiko. Etu katwatela kulinga echiko. Etu twahase kwitavila na umwe namukwavo, oloze kupwa muusepa. Kachi nge Kangweshi kuhasa kulivwasana na muthuko, kaha muzange lika na kumulombelako, kaha kuhona

kulivwasana na-. . .na ikiye ha chikuku cha Chisoneka, kaha kupwa hakumona kanawa, jino Kangweshi kuhanjika chuma chimwe hali ikiyeko. Ngwapwa lwolalwosena kutonda kuhona kulivwasana na ikiye, muusepa, mwomwo Ngwamuzanga ikiye, kaha Kangwa—Kangwangile vene ikiye kujimbalako. Kaha ikiye atela kulinga chuma chochimwe na yami; etu katwazangile kujimbalako. Kaha etu twatela kuhaka chikuku chetu chavishinganyeka ha chuma eli Lizu linahanjika. Echa eli Lizu kupwa muchano. Keshi jishimbi jetu mokomoko vishinganyeka vyove, oloze chuma muka Ikiye ahanjikile; kakweshi kulumbununa chakupenge, mukiko lyahanjika eli Lizu.

<sup>8</sup> Ufuku ukwavo, Kangwalinganga chumachimweko kaha chinasoloka kupwa nge makombelo, Ngwafwelela echi chapwilenga ku kulya cha vakakuzata chimene chikwavo. Nguhake Yesu ha cheseko. Ngwambile ngwami, “Kaha nge muze valingile vakiko jino, shikaho mukiko vali nakulinga lelo.” Pamo nachiya nakupwa chamwaza kachi Nanguhilukila echi cheka chindende, kachi etu natupwa na lwola. Jino, Ngwambile ngwami, lelo etu tunawane nge. . .

<sup>9</sup> Mu kutungulula cha Luther, ikiye, mulwola kana luze, ikiye ambile ngwenyi vakakwoloka navakayoyela ha lufwelelo. “Wosena mwafwelela, ikiye, Alukwechi.” Oloze etu tunawane vavavulu vamba ngwavo vafwelela, kaha kaveshi Nalwoko.

<sup>10</sup> Mu makumbi a—a John Wesley, kachi vakiko vakwechi kukisula chamuchivali, vakiko vachisanyikile, kujilika, kujilika chivene, vakiko vapwile vakuwahilila kaha vatambakanyine. “Muthu wosena kutambakana, nge Achikwechi.” Oloze vachiwanyine nge kavapwile Nachoko. Vavavulu vatambakanyine, nge kavechi Nachoko.

<sup>11</sup> Makumbi a Chipendekosita, vakiko vambile ngwavo, “Jino kutungulula cha mawana chineza, kujimika cha Shipilitu. Wosena mwahanjika mumalimi, kaha Ayikwechi.” Etu tunawane nge vavavulu vahanjikile mumalimi, kaha kavapwile Nyeniko.

<sup>12</sup> Shikaho vakiko ngwavo, “Chamwaza, mihako ya Shipilitu, mukiko Ili.” Mamalelo, nduma, keshi mihako ya Shipilitu. Christian Science vakwechi echi, kuze kacheshiko. . .Zangi yinapu muhako wa Shipilitu. Kahajino, kaha vakiko vakwechi zangi yayivulu kuhambakana kalamuthu, kaha kukana Ukalunga wa Kulishitu Yesu; musanyike Ikiye nge kapolofweto, kupwa kaha nge muthu kaha. Talenu? Shikaho chize kacheshi kuhasa kulinga echiko.

<sup>13</sup> Echa ngumihule ha munyutu kaha. Echa tuhake Yesu ha cheseko. Kaha Kalunga angukonekele yami hali eyi hajikiso, kufuma kuno kukamenga, oloze Nanguya nakupwa wakumufumbukile Ikiye ha munyutu kaha, kupwa nakumineha ku Kumunyika. Talenu?

<sup>14</sup> “Jino Ngukwechi enu vathu hano ufukuuno; Ngulinakuhanjika kuli enu. Ngu...” (Echi chinakinduluka likumbi likwavo, omwo Yesu waku Nazaleta apwilenga hano hamavu.) “Nguneza kuli ove, kaha kulivwasana na ove mukweze, Yesu waku Nazaleta. Jino etu vosena vanatachikiza Kalunga apwa zangi. Eyi Mbimbiliya yahanjika nge mukiko Ikiye apwa. Chosena chakwoloka, kaha zangi, Shipilitu napu kuvandamina vakwenu chikiko, kuunda, kukakachila, kuvova, na vyangocho, na zangi. Jino Nanguhanjika, Ngwatondo kukuhula ove chumachimwe. Etu natuya nakumbata chuma—chuma etu tunatachikiza, kupwa Mukakulishitu.

<sup>15</sup> “Tala hali ou kapilishitu wamwaka wove. Ikiye kaka ya kaka ya kaka yenyi apwilenga kapilishitu. Ikiye apwilenga wakusemuka mumukana wa va Levi, kupwa kapilishitu. Etu tunawane nge, jino, ikiye keshi na muthu wamukweze muchiyoyelo nge omu muli enu vosenako. Chuma muka Ikiye mwalinga? Ikiye eji kulilambula lyavene, ikiye ali helu haze na kulinangula eli Lizu, Lizu lya Kalunga. Ikiye eji kuhita, likumbi na ufuku, likumbi na ufuku, atela kutachikiza kala mukanda, lizu lyosena hamukanda wakuvunga. Ikiye atela kutachikiza echi ha muchima. Ikiye—ikiye, kupwa chumachimwe hali chize atela kutachikiza.

<sup>16</sup> “Kahajino, kusali yachize, omwo iso na mama yove apwile wakusomboka, uze alinunga hamwe na lunga na pwevo? Kapilishitu kove wakuzakama kapilishitu wamwaka. Hiya apwilenga nakwiza kuli iso omwo ikiye apwilenga mukutondeka kaha apichile mali muwande wenyi, nge mukakukongola apwile nakupwa nacho? Hiya emanyine ikiye? Kapilishitu kove wamwaka. Hiya emanyine na mama yove mukapete kuze omwo ikiye apwilenga nakusema ove? Muyachi wa kapilishitu wamwaka. Hiya eji kwizanga kuli ove nge unaviji na kutonda? Muyachi wa kapilishitu wamwaka. Hiya akukiswile ove na kukukunjika kuli Kalunga, na kukwalamisa ha likumbi lya muchitanu atatu? Kapilishitu kove wakashinakaji. Omwo iso na noko apwilenga pamo wakulukuluka, hiya avakundulwishile hamwe, kuvakwachila hamwe? Kapilishitu kove wakashinakaji. Nge nakupwa ukalu nawalihata nenyi, hiya eji kukuzakaminanga? Kapilishitu kove wakashinakaji. Punduvene.

<sup>17</sup> “Jino uze kapilishitu wakashinakaji atachikiza nge Mbimbiliya ngwayo Kalunga atonda mwana mukoko kupwa mulambu. Enu malunga vavavulu vakakusekasana, shikaho kamweshi kuhasa kukulisa mukoko, ohonyi Kalunga atonda mukoko. Vakiko vatungile mwiya wakulya kuze, vakikovalinjishile shikaho nge vaze—vakakusekasana vanahase kuya na kulanda echi, wana wamulambu wa myono yavo, uze Kalunga atonda.

18 “Chuma muka uze mukweze alingile, vavuluka Yesu? Kulihi ikiye afumine? Ikiye ngwenyi asemukile kusemuka chausanda. Wosena evwile chuma kana chakuhona mangana? Etu tunatachikiza nge naye amusemene shimbu kanda ikiye na Yosefwe asemuke, mokomoko, ikiye na Yosefwe kanda valimbate, ikiye asemukile. Jino etu tunawane nge ikiye apwile—ikiye apwile na lijina lyalipi, kukuputuka.

19 “Kati yaumembala muka ali nayo? Kachi ikiye apwilenga muthu waukalunga, lizavu muka ikiye alinungile nalyo? Omwo kapilishitu kove alinangwile, alinangwile, alinangwile, alinangwile, kutachikiza lize Lizu; hano ikiye himweza nakujinguluka, kupula chize ikiye atungile. Kumana ove muchivuluka chize kupwa ‘Kalunga,’ Punduvane keshiko.

20 “Jino, likumbi likwavo, omwo kapilishitu atungile chihela kuze, va...kaha kuze ove nauhasa kulanda mulambu, uze mukweze alingile ika? Likoji? Ikiye kuveta, kuhaka miundu hamwe, jingoji na malambu, kaha atalile hali vathu, na utenu; kwandumuna jize jimesa, kaha kuvaveta. Kaha enu namuvuluka chize kupwa mihako ya Shipilitu, kutala hali vakiko, na utenu? Kaha, tala, kusekesa uze lunga halisesa lyenyi lyakulifukula Yehova! Va malunga vakakusekasana kutonda kulifukula kuli Ikiye; ikiye kaheta vana vamikoko ko, kaha ikiye ayile kuze nakulanda chize. Kaha Ikiye ajalumwine, kaha nakuvaveta, kaha nkuvahangamo.”

21 Hiya akwechi muhako wa Shipilitu kuze? Uh-huum. Talenu? Yenu haze vene. Talenu, keshi muhako wa Shipilitu, keshi kuhanjika mumalimiko, keshi kutambakana.

22 Enu ngwenu, “Kahajino, Ndumbu walunga Branham, chinjikizo chuma muka? Chinjikizo chuma muka?” Kwinjikiza eli Lizu lya ola.

23 Vakiko vapwile na Mbimbiliya. Ikiye apwilenga vene omwo atela Yehova kupwa omwo ahanjikile kuya nakusoloka. Echi kachatondekele kala kulumbununako. Chize chalumbunukile haze vene. Haze hakiko hapwilenga tupilishitu twove, kuze kukiko vakiko vapwilenga nacho, kaha kalachuma cheka kupwa kaha chakulyenyeka na vyuma vyosena, oloze vakiko vahonene kumona lize Lizu. Kaha Ikiye atungile lize Lizu lyakuyoyela mulichize chisemunuino. Chize chinapu chinjikizo cha chize chisemunuino.

24 Luther apwilenga na chinjikizo cha chisemunuino chenye, Wesley cha chisemunuino chenye, Pendekosita cha chisemunuino chenye, oloze etu tuli muchisemunuino chikwavo. Vize vyuma kana vya mwaza. Oloze nge kemba, akwechi munwe, liso, lizulu, oloze hanyima chindende ikiye atela kwiza nakupwa muthu wakuyoya. Ikiye atela kupwa nge—nge mwana wakukula; numba asemuke, kupwa na mwono, mujimba, shipilitu, nakuhasa kutambuka nakujinguluka.

25 Jino etu tunawane nge, vyosena evi, Yesu avivulukile, kaha vyavindende, kupwa kaha Ikiye natongola Kuyoya, amumwene Ikiye. Keshi mazavu amaneneko; mazavu Eyi kawahashile kupwa nge mazavu a Caiaphas ko. Mwomwoika, Caiaphas kachi asanyikile lifuchi lyosena kwiza hamwe. Yesu asanyikile vavandende hamwe. Keshi vavavuluko vamutachikijile Ikiye. Kapapa ka masauzande na masauzande, omwo Ikiye ejile hano hamavu, Ikiye ayile nakuhita hamavu, kaha vakiko kavamutachikijileko Ikiye nge apwilenga hano.

26 Shikaho nachiya nakupwa cheka! Ikiye mwaya nakwiza kulivaze vasanyikila ku Kuyoya. Ikiye atachikiza hiya vasanyikila ku Kuyoya. Kaha Ikiye mwaya keshi. . . Uze uanapu mulimo Wenyi wakuzakamina chize.

27 Jino etu tunatalisa nge vakiko vejile nakulovoka muliuka, kaha vakiko vamufwelele Ikiye. Vyuma vyosena Lizu linapunga nakuhanjika hali Ikiye, kuze Ikiye apwilenga.

28 Kaha likumbi limwe Ikiye asele hembo. Ngwatondo kuhanjika vyuma vitatu: Yesu tele nayi lyehi; kufwa chejile; kaha vitalilo vyosena vinayi. Ngwatondo kuhanjika hali vize vyuma vitatu ha minyutu yayindende.

29 Yesu nayi. Kaha omwo Ikiye ayile, ukalu wejile nakwingila. Jino omwo Ikiye mwakuseza, mokomoko limbo lyove okwo watwama, ukalu uli mujila. Satana mwapwa nachikolo chawashi omwo Yesu mwakuseza.

30 Ikiye nayi, kaha nge—kaha nge haze vene Ikiye mwalinga ngocho, jino kufwa chejile nakwingila. Kaha omwo Yesu mwalovoka nakuya, kufwa kwiza nakwingila. Kuhandunuka kuli Ikiye chikiko kufwa, shikaho kufwa chejile nakwingila omwo Yesu alovokele nakuya.

31 Kaha kufwa chinajinguluka Lazalu. Kaha jino Umwe vakiko vafwelele kaha vamuzangile, vakiko vamusanyikile Ikiye ezenga amulombelele Lazalu, mwomwo vakiko vamwene Ikiye na kumutachikiza nge Ikiye atachikiza Kalunga, nge, “Kalachuma, Kalunga. . .” Malita achisolwele kuze kunyima, “Kalachuma Ove muhanjika kuli Kalunga, Kalunga mwaya nakuchilinga.” Ikiye atachikijile nge Ikiye na Kalunga apwa Umwe. Ikiye apwilenga Lizu lya ola, shikaho ikiye atachikijile chize. Kaha ikiye atachikijile, kachi ikiye nahase kuliwana na Ikiye, oloze Ikiye apwilenga hanayi kaha vakiko kavahashile Kumuwanako. Kaha vakiko Vamutuminyine tunganda, kaha, kachi Ikiye ezenga, Ikiye atwalileho kuya kulutwe. Kaha jino vakiko vatumine cheka, kaha, kachi Ikiye ezenga, Ikiye ayile lika.

32 Lwola lumwe etu tweji kulikomokela mwomwoika vyuma kana vyasolokele, kumana Chisoneka kachahanjika ngachizeko, “Vyuma vyosena vyeji kuzachilanga hamwe nakuneha kuwaha kuli vaze vazanga Kalunga”? Ikiye atachikijile chumamuka

Ikiye apwile nakulinga. Kachi Ikiye azezamine, chize chosena chakwoloka. Ikiye atachikijile chuma Ikiye apwile nakulinga. Kuze kwapwile pungu.

<sup>33</sup> Etu tunawane nge Ikiye ahanjikile, muli Mukakujila Yowano 5:19, “Chamwenemwene, chamwenemwene, Nanguhajika kuli enu, Mwana keshi kuhasa kulinga chumachimwe Lyaveneko, oloze kuvanga chize Ikiye mwamona Ise ali nakulinga.”

<sup>34</sup> Uze Tata amulwekele Ikiye kuya, nakupwa kweka makumbi amavulu. Hanyima yakukumisa aze makumbi, jino Ikiye ambile ngwenyi chuma Ikiye ambile jino, chize, “Sepa lyetu Lazalu nasavala.”

Kaha ikiye ambile ngwenyi, “Chamwaza, ikiye nalingi kanawa.”

<sup>35</sup> Ikiye ambile ngwenyi, “Ikiye nafu. Kaha mwomwo yayenu Yami ngunawahilila Kangwapwileko kuze.” Mwomwo, vakiko vesekele kumumona Ikiye kuya kuli ikiye, vamuhindule nge chatela kulingika. Oloze Ikiye atachikijile chuma chatela kulingika, shikaho Ikiye alingile vene chuma Ikiye vamutongwele kulinga chize: fumenuko. Kachi enu namutachikiza Ikiye ha chimbumbembe omwo Ikiye akindulukile. Ikiye asolwelele omwo Ikiye akindulukile na kuwana eli limbo.

<sup>36</sup> Vitalilo vyosena vyakumine. Lazalu nafu. Kala lwola, vakiko vatwalilelo kushinganyeka, “Ikiye pamo mweza nakusoloka. Ikiye pamo mweza nakusoloka. Ikiye pamo mwakinduluka.” Makumishilo, nomu ikiye afwile, chize kuhwima chamusele.

<sup>37</sup> Vakiko valovokele nakuya, vamukwichile vitumbo, kufumisa manyinga mumujimba wenyi, kumujingilika mahina, vyalivumba, kaha kumukwita vitumbo nakumusavalika muchimbumbembe, kuhakako lilolwa kuchimbumbembe, chize chapwilenga chisemwa chavo chakufunda mumakumbi aze. Wina mumavu, kupwa kaha mulilolwa, kaha kwalako lilolwa helu, chize chapwilenga chisemwa chavo.

<sup>38</sup> Likumbi lyatete lyahichile, lyamuchivali lyahichile, lyamuchitatu lyahichile, lyamuchiwana lyahichile, uze muthu aputukile kupola muze muchimbumbembe. Lizulu lyenyi linashiuka. Chize, Ngwashingtonyeka chize chuma chatete chaputukile kushiuka, shina lizulu. Kaha ikiye apwile tele napolo lyehi. Musonyi wenyi—wenyi unakinduluka lyehi kulukungu, kufuma mumavu, mokomoko kukinduluka. Mwono wenyi wapwilenga makumbi wana muungeji kumwe, kufuma muli ikiye.

<sup>39</sup> Vitalilo vyosena vyakuhasa kumumona cheka ikiye, muli echi kuyoya, chakumine. Kaha jino omwo vitalilo vyosena vyakumine... Vakiko vavandaminyine, “Pamo kachi Ikiye mweza likumbi lyatete, likumbi lyamuchivali!” Nduma. Jino ikiye afwile, kaha Ikiye kejileko. Jino kuzangajala chaputukile.

40 Hanyima chindende kuze kwapwilenga mthuumwe pamo vamulwekele, “Nge Mukakunangula ali kwakusuku.” Hano jino Malita himwaya na mujila!

41 Yesu ejile mu ola ya milima omwo lutalililo lwosena lwayile. Chize kakavulu omwo Ikiye ejile. Talenu? Ikiye ejile ha lwola luze lwamilima, jino Yesu asolokele hazevene.

42 Jino tala, Ikiye ejile kaha asanyikile Malita. Kupwa Chenyi chanehele malutalililo amahya. Chipwethuhu uze mukanyike walunga apwilenga wakufwa, oloze Kupwa Chenyi chanehele lutalililo lwaluhya.

43 Ove unahase kutwama hano ufuku uno, sepa lyami, haze mandotolo vanahono, na kansa, ukalu wa muchima. Pamo muchitwamo, chitonji, sayasi yosena yinahanjika nge kakweshi lutalililoko kuli ove; kukungama cha calcium yina—yina tachila na vifuwa vyove—vyove, nge ove kaweshi kuhasa kunongama chekako. Mokokoko, chipwe muchima wove—wove unapihi, ndotolo nahanjika ngwenyi ove unahase kufwa kala munyutu. Mamalelo, kaha mazavu amanene avathu vali na kansa na TB, pamo lutalililo lwamakumishilo ove ukwechi, kaha chinasoloka nge ndotolo nakukane. Oloze, kupwa Kumeso na kutachikiza Kupwa cha Yesu Kulishitu, kuneha malutalililo cheka.

44 Mthuumwe nahase vene numba kuchivuluka kuli enu. Pamo enu kanda lyehi muchivwe echi shimbu kanda, oloze echa mthu umwe ahanjike, “Ngunatachikiza kwosena kuze kuli liuka, vakiko vafwelela muli Kalunga kaha vakiko veji kulombela vakakuviza,” washiwashi (Jino, ove uli wakulizanga kufwa. Talenu?), malutalililo amahya kusefuka. Echi lwola lwosena kulinga. Muli luze lwola lwamilima, chize kakavulu omwo mthuumwe kuhanjika chumachimwe hali echi, kukulweka hali Yesu. Kupwa Chenyi chanehele malutalilo.

45 Echa chilinge chumachochimwe ufukuuno, nge omu chalingikile ufuku unahichi. Omwo etu natumona chize kwijikiza Lizu kusali ya kala muvwimbimbi wakukakasana, chize chinapu chakusoloka, kaha kwinjikiza nge *nge* Yesu nge mwayoyele mumyaka nayitini handulendi yakunyima, uze afwile ha Kavali, kusanguka ha likumbi lyamuchitatu, kaha kusoloka cha tumbaji na kutona meso avo, kaha atungile lushiko lwa lize likumbi, luli hano vene ufukuuno kumeso etu jino, luli lwakukashiwa kuneha lutalilo kuli vathu. Malutalilo amahya kulovoka.

46 Pamo mthuumwe ambile ngwenyi, “Liuka linapunga lyaumu lwola lumwe. Etu katwapwile na kututa cha meya amwazako ha—ha—ha tukweji vavandende. Etu katwapwile na kuhizumukako. Kusoloka nge kalamuthu nemana hamwe, mokokoko chumachimwe chikwavo. Etu tweji kuyanga kaha kuliuka na kwimba myaso, kaha—kaha kwivwa mijimbu na kukinduluka.” Oloze kukasumuka, jino, omwo etu natuputuka



kuma, jino Yesu mweza haze vene, kututuchisa cheka, kuna chumachimwe chachihya kuli etu. Ikiye lwola lwosena kwali nakulinga ngachize. Malutalililo amahya kwiza omwo—omwo Yesu mweza nakwingila. Kupwa Chenyi kuna lutilililo lwaluhya.

<sup>47</sup> Ikiye atachikijile nge Ikiye apwilenga lize Lizu lya Kalunga lyasolokele. Ikiye amwene chize chisemunuino. Mokomoko, kachi ikiye kamweneko, ikiye kachi hanga ali Wamwaka. Ikiye kachi hanga apandama kuliuka. Oloze ikiye napunga lize Lizu lya lushiko. Ikiye amwene lize Lizu lya lushiko kusoloka hali Ikiye kaha atachikijile nge Ikiye apwilenga lize Lizu lya kuyoya. Kaha omwo ikiye ewwile hali echi, ikiye kazakamineko vangahi vamutolekele, chumamuka nawa, ikiye ambachile Ikiye kupwa wakukakama omu apwile nakuya. Talenu? Ikiye atachikijile nge Ikiye lize Lizu lyasolokele.

<sup>48</sup> Kukakasana chauchi oloze ikiye atangile mujimbu wa Elija mumakumbi eyi. Jino, ikiye apwilenga kusoloka cha Lizu lya Kalunga muli lize likumbi. Ikiye apwilenga kapolofweto, kaha Lizu lya Mwata lyeji kwizanga kuli kapolofweto. Kaha kuze kwapwilenga pwevo uze apwilenga kamba wamundende uze vamuhanyine ha kukisula nge kapolofweto amukiswile, kaha ikiye apwilenga na mwana.

<sup>49</sup> Likumbi limwe, pamo ha leveni koloko, ikiye pamo apwilenga nakuwema chamusana. Ikiye apwilenga muwande na ise, eyi Mbimbiliya kayahanjika ngocho omwo chapwilenga, kuhanjika nge kuwema na musana, oloze aputukile kulila, “Mutwe wami! Mutwe wami!” pamo ha leveni koloko muli lize likumbi. Kaha ikiye apwilenga na ngamba, ise mukiko apwilenga, kumutwala kuzuvo. Ikiye amusavalikile hamahinji anaye pamo ha musana, avijile na kuviza chikuma, kaha makumishilo afwile.

<sup>50</sup> Kahajino, kachi alezumuke, va...vosena valihata navo vejile nakutetumuka omu vapwilenga nakuya, oloze uze mama wakuwima, kamba yenyi apwile wakufwa, amumbachile nakumutwala mukapete kakandende kaze ikiye awahishilile kapolofweto, na kumusavalika hali uze kahela, nge *ngachize*. Kaha ikiye ahanjikile kuli ngamba, “Ngukashile chimbulu, kaha ngutwale vene, kaha kanda kwimanako kuvangila Nangukulweka ove kulinga ngocho.” Mamaah, yami! Mukiko kaha!

<sup>51</sup> Etu katweshi nalwola lwakuhasa kuhanjika nakulipika. Evi vyahita lyehi vyalize likumbi. Echa tutwalileho. Etu twatela kuya kuze. Etu tukwechi kutondeka.

<sup>52</sup> Kaha shikaho ikiye ambile ngwenyi, “Ove yako lika kulutwe, kaha kanda kushimbwokolako kwendesha kuvangila Nangukulweka ove kulinga ngocho.” Kaha vakiko vayile palanga nomu vamuwanyine Elija.

<sup>53</sup> Elija, kupwa muthu wa Kalunga, keshi nge Kulishituko; Kulishitu atachikijile vyuma vyosena, mwomwo Ikiye apwilenga Kalunga. Elija apwilenga chihanda cha Kalunga. Chize chapwilenga Kulishitu muli Elija. Kaha uze ukiko mujimbu wa ola, wa lize Lizu lya Mwata lya ize ola lyapwilenga nauze kapolofweto.

<sup>54</sup> Yesu apwilenga kuzalilila cha vase tupolofweto, wosena vasololenga Ikiye. Mukiko kaha. Kufuma kwosena kuli Yosefwe, kufuma muvihanda vya siliva, kwosena, ikiye—ikiye asolwelele Kulishitu. Mukiko mwalingile na Mose!

<sup>55</sup> Ndavichi, kutwama nge mwangana wakukana hapili, nakulila mwomwo ikiye apwilenga wakukana. Myaka eyite handulendi hanyima yachize, uze Mwana Ndavichi atwamine hapili. Ize yapwilena Shipilitu ya Kulishitu muli Ndavichi kuze. Kaha Ikiye. . . Yami! Ikiye apwilenga mwosena muvali Mwiji kaha Mwana Ndavichi. Kaha shikaho Ikiye atwamine hapili, nakulila, nge Mwangana wakuhunga, “Yelusalema, Yelusalema, kangahi kachi Ngunasake kukuuva, nge kasumbi mwautamina.” Chuma muka chize? Apwilenga Kulishitu kunyima kuze.

<sup>56</sup> Apwilenga Kulishitu kulila omwo Ndavichi asonekele mwaso, “Kalunga Kami, mwomwoika Ove unanguseze Yami? Vifuwa Vyami vyosena, vakiko vyatalile hali Yami. Vakiko vatuvile havipamba Vyami na mavoko Ami. Vakiko valipangilile mahina Ami mukachi kavo. Vakiko vatahishile ha chikuto Chami.” Uze apwilenga Kulishitu kuhanjika muli Ndavichi. Echi chakwoloka. Ikiye apwilenga kusoloka cha lize Lizu. Kulishitu ejile nakuzalisa vize vyuma vize vahanjikile tupolofweto, mwomwo lize Lizu lyapwilenga na tupolofweto.

<sup>57</sup> Ikiye ambile ngwenyi echi chili mukulinangula chaufuku unahichi, kaha Ikiye kwiza nakuzalisa chuma tupolofweto vahanjikile hali Ikiye, mwomwo vakiko vapwilenga na lize Lizu. Kaha Elija apwilenga kapolofweto ka Kalunga, lize Lizu lya lize likumbi.

<sup>58</sup> Shikaho uze pwevo Wakashunema atwamine na uze kapolofweto palanga ikiye ejile na kusolola ngolo ja Kalunga, kaha asavalile hali uze kemba, kaha uze kemba ayoyele.

<sup>59</sup> Jino Malita atela kutachikiza echi, chipwethuhu ikiye apwile wakuzangajala kulama zuvo, kukosa malonga, na vyangocho. Oloze haze alisolwele apwile muyachi waulombo wenyi. Ikiye asolwelele chumamuka chapwile muli ikiye. Ikiye ayile nakumuwana Ikiye hazevene. Kachi Kalunga apwilenga muli Elija, Kalunga atelele kupwa Kulishitu, mwomwo Ikiye ejikijile chize nge Ikiye apwile uze Muthu kana. Amena. Ngwazanga ngachize, chize kufwila! Ikiye ayile kuli Ikiye. Ikiye amuwanyine Ikiye. Kaha awanyine nge, nge ayile kuli Ikiye—kuli Ikiye; jino anuka, atachikijile nge Ikiye kanda lyehi alumuke, nge Kalunga kanda lyehi alumune

kwala Chenyi. Kachi Ikiye apwilenga muli Elija na kuhasa kusangula uze wakufwa, Ikiye apwilenga muli Kulishitu kaha nahase kusangula uze wakufwa, chipwethuhu Ikiye nachilingi, mwomwo apwa Kalunga youmwe.

<sup>60</sup> Chipwe Ikiye kanda alumuke lyehi! Kupwa kaha nge Kalunga ufukuno nge omu Ikiye apwilenga. Ikiye apwa youmwe zau, lelo, na hayamyaka. Ikiye kalumukako.

<sup>61</sup> Kaha Ikiye atachikijile nge ikiye natachikiza nge chize chapwilenga muli Ikiye. Tala, mumunyutu kaha achijikijile, omwo ikiye ahanjikile chumachimwe kuli Ikiye hali uze ndumbwenyi walunga, kaha ikiye ambile ngwenyi, “Mwata, Ngwa—Ngwafwelela nge Ove muwapwa.”

<sup>62</sup> Kaha Ikiye ambile ngwenyi, “Yami Kusanguka kaha Kuyoya. Chipwe mwafwa, oloze mwakaya nakuyoya. Kaha wosena nayoyo kaha Nangufwelela keshi kaya nakufwako. YAMI.” Uze YAMI apwilenga muchiputa chakukwata, na Mose. “Yami Kusanguka. Yami Kuyoya. Ngwapwilenga ize Mbango. Yami hanga Ikiye. Yami Kusanguka na Kuyoya. Wosena mwangufwelela Yami, chipwe mwapwa wakufwa, oloze mwakaya nakuyoya. Wosena nayoyo kaha nafwelela muli Yami, keshi kukaya nakufwako.” Hanyima yakukunyuka chachinene chize ikiye apwilenacho, nge Ikiye apwilenga Lizu lya lushiko; omwo Ikiye ahanjikile, hakupwa Kapolofweto, Ikiye kahashile kwongako; shikangaho Ikiye, omwo Ikiye ambile ngwenyi, “Yami YAMI. Yami Ikiye uze Kusanguka na Kuyoya.”

<sup>63</sup> Ikiye ambile ngwenyi, “Ngwafwelela nge Ove unapu Umwe, Mwana Kalunga atela kwiza muno mukaye. Chipwethuhu ndumbwami walunga nafu, nasavala muze muchimbumbwe, ikiye. . . mujimba wenyi uli nakupola jino; oloze numba oholili, kala chuma Ove nauhanjika, nachiya nakuhita.” Chakwoloka!

<sup>64</sup> Vyosena atondele shina kwivwa Ikiye kuhanjika chize! Amena. Mamalelo, Malita, tuli kulihi ufukuuno? “Hanjika kaha Lizu; ngamba yami mwayoya!” Mwivwulile Ikiye nakuhanjika echi! Vakiko pamo vejile nakumulweka ikiye nge Ikiye ahanjikile chize, oloze hano Ikiye apwilenga Lyavene. Ove Kalunga, sokolola meso aupuputa, mangana vakiko vahase kumona! Omwo Ikiye, apwile Kumeso Eyi, kuhanjika Lizu, lwola lwosena lweji kusoloka.

<sup>65</sup> Ikiye ambile ngwenyi, “Chosena chuma Ove naukalomba Kalunga, Kalunga mwaya nakukuhanacho Ove. Echa kaha yami nguvwenga!” Ikiye atondele Ikiye kuhanjika Lizu. Muze mukiko kaha atondele kwivwa. Kuwana kaha Lizu, chikiko kaha atondele, chapwilenga kwivwa Ikiye kuhanjika Mwaya nakuchilinga.

<sup>66</sup> Kaha Ikiye kachi alingile chize vene, oloze, enu mwamono, ha chimweno chize Ise amusolwelecho Ikiye, Ikiye atelele

kwimana halifuka. Mamaah, yami! Kwachilila lufwelelo! Kalunga alinakuzata. Echi nachiya nakupwa chakwoloka. Vandamina kaha palanga ikiye kuheta kulifuka.

<sup>67</sup> Talisenu, ikiye kachi mwamuwana Ikiye nakuhanjika, chipwe shimbu apwilenga... Malutalilo osena ayile, vyuma vyosena. Ikiye apwile wakufwa, kupola mulifuka, oloze mwivulile kaha Ikiye kuhanjika echi, mukiko kaha ikiye atondele.

<sup>68</sup> Jino omwo Ikiye ambile ngwenyi, “Yami Kusanguka na Kuyoya,” ikiye achifwelele chize. Ikiye achifwelelele. Jino talisenu, jino ikiye atela kufwelela vize vyavikalu, omwo ikiye amwivwile Ikiye kuhanjika, “Yami Kusanguka na Kuyoya. Chipwe ikiye apwile wakufwa, oloze mwakayoya, kaha wosena nayoyo na Nangufwelela keshi kukafwako.” Ambile ngwenyi, “Ove wafwelela echi?”

<sup>69</sup> Kaha ikiye ambile ngwenyi, “Eyo, Mwata, Ngwafwelela. Ngwafwelela nge Ove wapwa Mwana Kalunga uze atela kwiza muno mukaye.” Ngwazanga chize. Ngwazanga chize.

<sup>70</sup> Nguna—Ngunahanjika echi shimbu kanda. Echi chinahase kwimana cheka jino. Ngwapwile nakuhanjika kuli pwevo keshi kunyima chikumako, chapwilenga pundu liuka lize Ngwavulukile kunyima okwo, chize kachafwelela nge Ikiye apwilenga Kalunga, Ukalunga Wenyi, Ikiye apwilenga kaha kapolofweto; muthu kaha wamokomoko.

<sup>71</sup> Ikiye apwilenga chize, muchano vene. Ikiye apwilenga chize, kuhakilako Kalunga. Talenu, Ikiye apwilenga chize kusoloka. Yesu napu mujimba, Kanyike walunga, Muthu; Kalunga ikiye atwamine muli Ikiye. Kalunga apwilenga muli Ikiye. Ikiye apwilenga Kalunga muthu. Ikiye apwilenga Muthu, oloze Ikiye apwilenga kusoloka cha Kalunga mumusonyi. Omwo etu natumona Yesu, etu tunamono Kalunga. Muze mukiko Ikiye ahanjikile, “Omwo enu nammona Tata... mwamono Yami, enu mwamono Tata.” Mwomwo, Ikiye apwilenga kusolola, mwomwo Ikiye apwilenga Lizu, amena, lize lyapwilenga kukuputuka. Amena.

<sup>72</sup> Ikiye asanyikile vapolofweto, “kalunga.” Enu mwatachikiza echi? Ikiye ambile ngwenyi, “Enu mweji kuvasanyika ‘kalunga’ kuze kweji kuyanga Lizu lya Kalunga. Namuya ngachilihi nakungupaisa Yami omwo Ngunahanjika, ‘Yami ngu Mwana Kalunga?’”

<sup>73</sup> Mwomwo, Lizu lyolimwe lyahanjikile Ikiye mwaya nakupwa kuze, kaha kuli Lizu linasoloka cheka. Kaha hanga vakiko vanahonena kufwelela echi.

<sup>74</sup> Ou pwevo ahanjikile kuli yami, “Ngunahase kwinjikiza kuli ove.” Ambile ngwenyi, “Ngunatondo kwivwa kunangula chove, oloze kuli chuma chimwe ove weji kulinganga chikuma.”

“Chamwaza, chuma muka chize?”

Ambile ngwenyi, “Ove weji kukoka chikuma hali Yesu.”

<sup>75</sup> Ngwambile ngwami, “Ngunafwelela mukiko Ikiye apwa hali yami omwo Ikiye mwakeza.” Kaha ikiye ambile ngwenyi. . . Ngwambile ngwami, “Ngunafwelela mukiko Ikiye nahase, kumuwanyina Ikiye mulonga muli yami.” Ngwambile ngwami, “Kachi Ngwapwanga na malimi teni sauzande, Kangweshi kuhasa kuhanjika kanawa, mamaah, yami, chuma muka Ikiye ali!”

Ikiye ambile ngwenyi, “Oloze, enu, enu mweji kumulingisa Ikiye kupwa Kalunga.”

<sup>76</sup> Ambile ngwenyi, “Ikiye kwapwile. Mokomoko, kachi Ikiye keshiko, Ikiye apwile mukakuhungumwisa wamunene kaye vakwechi.”

Ikiye ambile ngwenyi, “Ikiye apwilenga kapolofweto.”

<sup>77</sup> Ngwambile ngwami, “Ikiye apwilenga Kapolofweto, mukiko vene: kapolofweto wa Kalunga, kuzalilila cha Lizu. Uze kapolofweto apwilenga kaha na Lizu lyejilenga kuli ikiye, chikiko cheji kumulingisanga ikiye—kumulingisa ikiye kupwa kapolofweto. Oloze Ikiye apwilenga kuzalilila cha lize Lizu.”

<sup>78</sup> Kaha ikiye ambile ngwenyi, “Ngunahase kuchinjikiza kuli ove.” Ambile ngwenyi, “Ove unamulingisa Ikiye kupwa Kalunga.”

Ngwambile ngwami, “Ikiye apwile Kalunga.”

Kaha ikiye ambile ngwenyi, “Ikiye keshi kuhasa kupwa Kalunga ko.”

Ngwambile ngwami, “Ikiye. . . Oloze Ikiye mukiko apwa.”

Ikiye ambile ngwenyi, “Ove unahanjika ngwove wafwelela Mbimbiliya.”

Ngwambile ngwami, “Mukiko vene.”

<sup>79</sup> Ikiye ambile ngwenyi, “Nanguya nakwinjikiza echi kuli ove, na Mbimbiliya yove, nge Ikiye keshi Kalunga ko.”

<sup>80</sup> Ngwambile ngwami, “Chilinge. Kachi eyi Mbimbiliya yahanjika ngocho, jino Ngwafwelela echi, mwomwo Ngwafwelela eli Lizu kupwa lya kwoloka.”

<sup>81</sup> Ikiye ambile ngwenyi, “Mujila yakufuma kufuka ya Lazalu, ove unanuka nge Mukakujila Yowano 11?”

Ngwambile ngwami, “Ngunanuka vene, mwane.”

<sup>82</sup> Ngwambile ngwami, “Chamwaza, jino, mujila yakushikumuka, Ikiye alilile. Eyi Mbimbiliya yahanjika ngocho, ‘Ikiye alilile.’”

Ngwambile ngwami, “Punduvene, Mbimbiliya yahanjika ngocho nge Ikiye alilile.”

Ambile ngwenyi, “Kaha Ikiye mwapwa ngachilihi Kalunga na kulila?”

Ngwambile ngwami, “Ikiye apwilenga muthu.”

“Muthu kaha cheka Kalunga?”

<sup>83</sup> Ngwambile ngwami, “Eyo, pwevo wakalemesa. Ove uli nakuhona kumona. Ikiye apwilenga nge—nge muthu kuya vene kuze, kulila hamwe navaze vakakulila, echi chakwoloka, kunyengetela hamwe navaze vakakunyengetela. Ikiye apwilenga muthu. Oloze omwo Ikiye alyolwele Lyavene chindende, mujimba wenyi, kaha ambile ngwenyi, ‘Lazalu, lovoka,’ kaha muthu uze apwilenga wakufwa hamakumbi awana, kwimana hamahinji eyi. Chize chipwile chakuhambakana muthu, uze apwilenga Kalunga muli Muthu.” Hiya nahase kusangula wakufwa, oloze Kalunga? Ikiye Kusanguka na Kuyoya! Echi chakwoloka.

<sup>84</sup> Uze ufuku hakulovoka ha kalungalwiji, omwo Ikiye alovokele haze, nazeye, nasavala kuyima ya wato, kuze kwapwilenga vandemone teni sauzande valishingile nge navamulondamisa Ikiye uze ufuku, kaha uze wato waundende wamwaka kufwapuka nge chifwiko chakumutumwa ha yamanganda yakalungalwiji. Vakiko vandemone vashinganyekele, “Etu tukwechi Ikiye jino. Ikiye nasavala; etu natuya nakujimika lizavu lyosena.” Mamalelo, Ikiye apwile muthu, nazeye, oloze omwo akatukile, Ikiye kwimana hamahinji Eyi haze hatongo, kaha atalile kwilu kaha ambile ngwenyi, “Kuunda, holakulu,” kaha jipeho na makimba kumwononoka Ikiye. Chize chinahambakana muthu.

<sup>85</sup> Ikiye apwile muthu omwo Ikiye apwile na zala, asulukile kufuma kupili, kutonda chihanda cha mbolo mokomoko koma kakulya, mokomoko jikuyu kumutondo wamukuyu. Oloze omwo Ikiye ambachile jimbolo jitanu na vaishi vavali, kaha kulisa faifi sauzande, uze apwile Kalunga muli uze Muthu. Echi chakwoloka.

<sup>86</sup> Mamalelo, kala muthu amona echi kulema afwelela echi, vakakusoneka vosena vafwelela echi. Shikangaho umwe asonekele:

Kuyoya Ikiye anguzangile yami; kaha kufwa,  
Ikiye angulwilile yami;  
Kufunda, Ikiye ambachile shili jami  
kwakusuku;  
Kusanguka, Ikiye anguvulukilile kwoloka  
kaha nguli wakukasunuka hayamyaka;  
Likumbi limwe Ikiye alinakwiza, Mamalelo  
likumbi lyaupahu!

<sup>87</sup> Eddie Perronet, uze ukwechi myaso kamweshi kuhasa kulanjisako. Likumbi limwe, kutalyangila mwishi ya kuzata cha

Shipilitu Wajila, ambachile sonekeso, ikiye kusoneka mwaso wakuswanyisa, omwo ikiye asonekele:

Josena ngolo ja Lijina Yesu!  
Echa Vangelo vasuluke;  
Vanehe kavumbi kawangana,  
Kumuvwika muchama Ikiye Mwata wavosena!  
(Haleluya!)

<sup>88</sup> Punduvene, echi chikiko etu twafwelela Ikiye omu apwa. Eyo, mwane.

<sup>89</sup> Ikiye atela kufwelela vyuma vyakuhona kuhasa jino, kukushinganyeka chakutona chalikumbi lelo. Shikaho enu kufwelela ha vyuma vyakuzeneka kuhasa, kumona Kuyoya chachihya, kumona chumachimwe kusoloka. Oloze kachi Ikiye mwachitacikiza. . . Ikiye amutachikijile Ikiye kupwa eli Lizu, kahajino vyuma vyakuhona kuhasa kusoloka, mwomwo Ikiye napu Tengi, kaha mwaya nakwimana ha vyuma vyosena Ikiye ambile.

<sup>90</sup> “Kaha vyuma vyosena vinashiwaa kuli vase vanafwelela.” Eli likiko Lizu Lyenyi. Oloze vyakuhona kwishiwa vinasoloka omwo Kalunga ambachile Lizu Lyenyi. Eyo, mwane. Omwo Kalunga ambachile Lizu Lyenyi, vize vyakuhona kwashiwa vinapu—vinapu vyakusoloka. Omwo Kalunga mwahanjika nge nachiya nakusoloka, kahajino enu mbatenu lize Lizu kaha tala chumamuka, vize vyakuhona kwashiwa kusoloka. Nachiya vene nakupwako.

<sup>91</sup> Oloze talisenu, numbathuhu muvyuma vyosena, ikiye ambile ngwenyi, “Numba oholili, Mwata, kalachuma Ove naulomba Kalunga, Kalunga mwaya nakuchilinga.” Ikiye atachikijile nge ikiye akwechi Lizu lyatela kufuma kuli Ikiye. Mukiko kaha ikiye atondele kulinga, chapwile kumbata lize Lizu. Eyo, lwapwile ola yenyi ya milima, kaha Yesu ejile kaha vamusanyikile. Mamalelo, chumamuka vakiko vamwene, kusanguka!

Echa tutale ha chuma chimwe chikwavo kuze kwejile jiola ja milima.

<sup>92</sup> Kuze kwapwilenga muthu lwola lumwe, walijina lya Yopa, umwe wa tupolofweto vakushikulu mu Mbimbiliya. Ikiye apwilenga lunga wapuhu. Ikiye apwile—ikiye apwile wakuzanga kuli Mwata, kaha ikiye alingile vyosena vize ikiye atachikijile atela kulinga. Kaha Satana azangile amukombe, shikaho ikiye ahanjikile kuli Kalunga likumbi limwe. . . Yaah, Kalunga ambile kuli ikiye ngwenyi, chipwe, “Kulihize ove unapunga, Satana?”

<sup>93</sup> Ikiye ambile ngwenyi, “Mamalelo, kutambwojoka oku noku kuze na kuze hamavu.”

<sup>94</sup> Ikiye ambile ngwenyi, “Unamunyingilila ngamba Yami Yopa? Kakweshi umwe wakufwana nge ikiye hamavu. Ikiye lunga wakukupuka.”

<sup>95</sup> “Mamalelo,” ikiye ambile ngwenyi, “pundu, Ove unamuhane ikiye vyuma vyosena, kumulingila vyuma vyosena. Punduvene, ikiye lunga wamunene. Oloze echa yami ngumukwate lwola lumwe, Nanguya nakwalumuna vyuma. Nanguya nakumulingisa ikiye kukwangula Ove, kumeso Ove.”

<sup>96</sup> Ikiye ambile ngwenyi, “Ove kaweshi kuhasa kulinga echiko.” Chize chikiko kufwelela Chenyi muli mukakufwelela. Mwomwoika? Ikiye apwa wakuzeka Makumishilo. Ikiye apwa wa Hayamyaka. Ikiye atachikiza makumishilo kufuma kumaputukilo. Ikiye atachikiza Satana keshi kuhasa kuchilingako. Mwomwo, Ikiye apwa Lizu, Ikiye atachikiza chuma Yopa mwaya nakulinga.

<sup>97</sup> Jino, anuka, Yopa, ikiye amuhakile mahute, ajihile vana venyi, kumumbata vyuma vyosena ikiye apwilenga navyo. Kulikangula chenyi chayile. Navaze vene vakakumuvendejeka vejile, kaha vakiko kavahashile kulinga nachumako shina kumuhana ikiye milonga nge napu mukashili wakusweka. Kaha Yopa wakashinakaji ahetele nahachihela palanga nomu azeyle.

<sup>98</sup> Ove watela kupwa mukuzeya, chatete. Ove watela kupwa lwola lumwe ove uli kusongo ya jila.

<sup>99</sup> Yopa ahetele kusongo ya jila, omwo ikiye ambile ngwenyi, “Kwangula chipwenga nahalikumbi lize Ngwasemukile. Echa likumbi kanda nalimwinyikako, kaha echa kakweji kanda mwamunyikako na ufuku, echa lijina kanda vakalisanyikako.” Kaha muli chize kuzeya, Yesu ejile. Ikiye atalile hamavu, kaha ikiye ambile ngwenyi, “Ngunamono, kupwa nge muthu, temo yakufwa, kaha yinasanguka cheka mungonde ya nonga. Kachi nge mitondo nayikinduka, nayikatuka cheka kuhichila mumeya amandende.” Ikiye amwene kuyoya cha mitondo kuyoya cheka, oloze ambile ngwenyi, “Muthu nahase kusavala mumavu, mwatula shipilitu yenyi, ikiye mwapwa kulihi?” Ikiye atachikijile ikiye apwilenga muthu wakashinakaji. Ikiye ambile ngwenyi, “Vana venyi vejile nakulila hali ikiye, kaha ikiye kachitavijileko. Mamalelo, nge Ove mungusweka yami muchimbumbi kaha ngulamina muchihela chakusweka, palanga utenu Wove unahichi. Ngwinyikile lwola kaha nguhakile lwola. Etu twayile...” Kaha kuya nge ngachize, kuhanjika. Ikiye apwilenga kusongo, ya kuzeya chenyi, “Chuma muka nachisoloka? Mafwo ayoye, akinduluke cheka kumitondo, jitemo jikinduluka cheka, vyuma vyosena nawa vilovoke, oloze muthu mwasavala hamavu na kuhana shipilitu!” Ikiye apwile mukuzeya. Ikiye katachikijileko chumamuka nachiya nakusoloka kuli ikiye, kuli ikiye haseteko apwilemo.

<sup>100</sup> Omwo ikiye alingile, jino Yesu ejile. Kalunga ayikile mutwe wenyi katalisa mwilu, kaha ikiye amwene Yesu kwiza mumakumbi akumakumishilo.



<sup>101</sup> Luze lwola lwa milima omwo pwevo lyenyi ambile ngwenyi, “Mwangule Kalunga ufwenga chakufwa,” oloze ikiye ambile ngwenyi, “Pwevo, ove uli nakuhanjika nge pwevo wachileya. Ou Mwata eji kuhana, kaha Mwata eji kutambula, kukisula chipwenga ku Lijina lya Mwata.” Numba pwevo lyenyi amutulumwishile. Liuka lyenyi lyamwalumukilile ikiya. Muthu wosena amuhungile.

<sup>102</sup> Muli ize ola, muze ikiye ahonene kutachikiza okwo apwilenga nakuya kufuma haze, Yesu ejile. Jino ikiye atambakanyine, “Ngunatachikiza Mukakungusokola ayoya, kaha mumakumbi akumakumishilo Ikiye mwakaya nakwimana hano hamavu. Kaha chipwe hanyima echi chikova makenye navakenyeka ou mujimba, oloze munyama yami Nangukaya nakumumona Kalunga, Uze Nangukaya nakumumona amilyavene.” Muli yino ola, jino Yesu mweza. Eyo, mwane.

<sup>103</sup> Mose, hali Mose, ola ya milima chikuma yejile hali ikiye mu Isalele. Ikiye apwile wakwoloka mujila yamulimo; kuliwana na Kalunga muze muchipapa, kaha ambile ngwenyi, “NGWAPWA MU NGWAPWA.” Ikiye ayile na kuzunga kuhita mumiyachi ya vyakulifwanyisa vya va Yane na Yambele, kweseka kufwanyisa milimo yenyi. Vyosena evi, ikiye emanyine mumuchano kuli Kalunga. Ikiye makumishilo alingishile Isalele kufwelela. Kaha hano jino alovokele mu Ejipitu, kuya nakukanduka ku—ku limbo lyalushiko, kuze Kalunga ambile ngwenyi, “Enu namukaya nakulifukula kuli Yami hali ino pili.” Lize lyapwilenga Lizu lya Kalunga. Mose atachikijile atela kuya kuli ize pili. Amena. Kalunga ambile ngocho! Kakweshi Fwalo mwamujihia ikiyeko. Kakweshi liyavolo mwahasa kumujihia ikiyeko. Kwauchi nachimujihia ikiye. Ikiye alinakwiza kuli ize pili. Amena! Haleluya! Ngulinakwivwa kulifukula. Ikiye ali nakuya kuliize pili.

<sup>104</sup> Shikaho etu tuli mujila yetu yakuya ku Upahu! Kwauchi chuma nachiya nakutwimika etu. Nduma, mwane. Kalunga alinakuya nakwinjikiza Lizu Lyenyi. Kangweshi kulizakamina chumamuka nachiya nakusoloka, Ikiye mwaya nakuchilinga, mwosena omwo. Eyo.

<sup>105</sup> Mujila yenyi yakuya, mujila vene yamulimo. Hano ikiye, wakupachika mukachi kajipili. Ikiye evwulilile na kwivwulila kukanguka munyima yenyi. Chumamuka echi? Fwalo na matemba, ha masauzande, kwiza; navitwa, na makunga na vyuma, kulaha nakushikumuka na kuvachika hamavu. Uze Kalungalwiji Uchila, avavatwileko. Chuma muka ikiye alingile? Ikiye engilile mu... Ikiye engilile mukuzeya. Vathu vosena kutetumuka, “Mamalelo, etu tuli hano jino. Fwalo mwaya nakutujihia etu, jipoko jenyi jamukwale najiya nakutwingila. Etu natuya nakufwa navakemba jetu muno mupambo.”

Mose alilile, “Ove Kalunga!”

106 Kaha jino Yesu ejile hazevene. Ikiye apwilenga Panda ya mulangi Wakakahya. Echi chakwoloka. Ikiye ejile kaha Ikiye kusukama mukachi ka ikiye na ponde. Amena. Ikiye napu wetu Wakuya mukachi. Ikiye napu Wakwimana mukachi ka, amena, na Mukakwimanyinako. Ikiye emanyine Haze, kwimana haze; milima ya Vakaejipitu, vaze vapwile nakwiza na kweseka kulinga chumachimwe hali echi. Ikiye apwilenga Kumunyika kulivakiko, kutambuka navo. Kahajino muchimene omwo peho yaputukile kuhuhwa chikuma nangolo, use ufuku, kahajino Ikiye alingile ika? Ikiye ejile muchifwanyisa cha Panda yamulangi Wakakahya.

107 Anuka, Ikiye hanga apwa lika ize Panda ya mulangi Wakakahya. Eyo, mwane. Omwo Ikiye apwilenga hano hamavu, Ikiye ambile ngwenyi, “Ngwafuma kuli Kalunga, kaha Nangukaya kuli Kalunga.”

108 Kaha hanyima yakufwa Chenyi, kufunda, kusanguka, na kukanduka; Mukakujila Paulu, mujila yenyi yakushikumuka ku Ndamashiku, ikiye vamuvetele na Panda ya mulangi Wakakahya. Anuka, ikiye apwilenga ka Hepelewu. Ikiye katelele kuhanjika echiko. . . Ikiye ambile ngwenyi, “Mwata, Ove Hiya?” Kapetulu M-w-a-t-a, Elohim. “Ove Uhiya Nguli nakuyanjisa?”

Ikiye ambile ngwenyi, “Yami Yesu.”

109 Amena! Haleluya! Ikiye napu Watete na Makumishilo. Ikiye hanga youmwe. “Shimbu yayindende kaha kaye kakeshi Kungumonako cheka, oloze enu namuya Nakungumona. Nanguya nakupwa na enu, na muli enu.” Ize Panda yamulangi Wakakahya, napu youmwe Kalunga kulinga chuma chochimwe, na lushiko lwolumwe, amena, kulingisa Lizu Lyenyi kusoloka. “Yami Kusanguka na Kuyoya. Yami Vene uze Apwilengako, Ikiye uze Ali, kaha Ikiye uze Mwakeza.” Eyo, mwane. Yaah.

“Vakakuluka jetu valilenga mana muze mupambo.”

110 Ikiye ambile ngwenyi, “Vakiko vali, vosena, kufwa. Oloze, NGWAPWA MU NGWAPWA.” Mose. . . Mukuputuka chakuwema chize chiputa, uze apwilenga NGWAPWA. Ikiye hanga apwa NGWAPWA, keshi Ngwapwilenga; NGWAPWA, hajikiso yavyuma viliko, lwola lwosena.

111 Etu tunawane hano nge Mose vamushijikilile vene muze mumbango, kaha Kulishitu nasukuka nakwiza. Jino, kaha eyi Mbimbiliya yahanjika ngachize, nge, “Mose achimwene nge—nge kutoleka cha Kulishitu chili naluheto lwalunene kuhambakana luheto lwamu Ejipitu.” Chize kutoleka cha Kulishitu! Kulishitu apwilenga uze Wakuwavisa, uze Longosi uze alovokele kufuma kuli Kalunga. Uze Kangelo, kala mukakutanga Mbimbiliya atachikiza nge nge Kangelo apwilenga Kulishitu. Kaha kuze Ikiye apwilenga muze

mupambo, kaha Ikiye ejile haze vene, mu chifwanyisa chize Ikiye atelele kupwa nakusolokelamo. Upahu kuli Kalunga!

<sup>112</sup> Ikiye mweza lelo muchifwanyisa, youmwe Kulishitu, kusolokelamo.

<sup>113</sup> Ikiye avalwekele vakiko Ikiye mwaya nakuvalovolamo. Ikiye apwile nakuchilinga. Haze vene Ikiye ejile na kwimana ha Lizu Lyenyi, kwinjikiza Echi. Kahajino hanyima Ikiye neza lyehi, nge muze Ikiye alingile na Malita, jino Ikiye vamusanyikile. Ikiye ambile ngwenyi, “Mose, mwomwoika ove uli nakulila kuli Yami? Hanjika kuli ava vathu, nge vayenga kulutwe.” Ize ola yamilima, uze Kalungalwiji Uchila kusokoloka kaha vakiko vazaukile, muungeji wavo kuzalisa Lizu Iya Kalunga. Eyo, hali Mose ola yamilima, jino Yesu ejile. Etu tukwechi lwola jino . . . Kaha Ikiye amusanyikile Mose.

<sup>114</sup> Etu twatondo kuneha kwivwushisa chenu kuli uze lunga wamundende. Lijina lyenyi apwilenga Jairus. Kuze kuli vavo vavavulu muno mukaye lelo. Ikiye apwilenga mukakufwelela wakupenge. Ikiye amuzangile Yesu. Ikiye amwivwile Ikiye. Ikiye amufwelelele Ikiye. Oloze, ove unamono, ikiye apwile tele nalinungu lyehi lyavene na chikungulwilo. Yaah. Ikiye—ikiye—ikiye—ikiye apwile kaha . . . Ikiye kahashile kwiza nakuhanjika echiko. Ikiye afwelelele echi, oloze ikiye kahashile kuchihanjikako, shikaho ikiye tele nalingi hanalinungu na vakakuzeneka kufwelela. Oloze ikiye chikupu afwelelele echi.

<sup>115</sup> Munatachikiza, nge muthu mwapwa muchivwuvwu chambwende, lwola lumwe Kalunga nahase kumuneha kuze kwakumwesekela. Mukuzeya mukiko vene etu tweji kusololanga ulombo wetu, twapwa vene vey.

<sup>116</sup> Shikaho mukiko ikiye apwilenga, ikiye apwile lyehi wakulinunga na vakakuzeneka kufwelela, kaha ikiye tele hanayi na kuhaka lijina lyenyi ha mukada, kaha navyangocho. Kaha ikiye apwilenga kapilishitu, kaha shikaho ikiye—ikiye kahashile kaha kuchitavila, mwomwo chize chapwile kati yenyi yakulila. Shikaho, oloze ikiye hanga amufwelele Yesu.

<sup>117</sup> Likumbi limwe, kanyike kenyi wamundende avijile. Mamaah, yami. Ikiye, kukakasana chauchi uze lunga, kachi ikiye . . . nge ngachize, kachi asanyikile ndotolo. Chimbanda twaya, tala hali mwanami. Chishika chenyi chayile mweka namweka. Hanyima yakukumisa kuzuma, na vyosena, ikiye makumishilo ahetele nahaseteko ya kufwa. Ikiye apwile mukuzeya. Ikiye atelele kulinga chumachimwe. Ikiye—ikiye katachikijileko nomu mwakulingila. Jino ikiye ashinganyekele, “Kachi Nanguya kaha nakumuwana Ikiye, kwosena okwo Ikiye ali.” Jino ikiye kavandaminyineko palanga kuchihete mulwola lwaufuku, nge muze alingile Yikotemu, nakupwa nakuhanjika chakupenge. Lwola lwapwile lwakuzata, lwola luneza lwakuzata kaha atela kuzata vene.

118 Kaha Ngwashinganyeka, ndumbu walunga, ndumbu wapwevo, chochimwe jino. Lwola luneza lwakuzata. Lwola luneza lwakufwelela mokomoko kuhona kufwelela. Chize chakuhandununa uze mufunda kuli kala lunga na pwevo. Luneza kuli kala mwana. Lwola lumwe omwo enu namuhita uze mufunda, kuli kaha chuma chimwe chasaleko, shina kusopesa, omwo enu namuhita mukachi ka keke na kusopesa, omwo enu namuhita uze mufunda.

119 Anuka, ikiye azeyele. Ikiye katachikijileko nomu mwakulinga. Haze navapilishitu jenyi vanema, vosena vakakunangula vanemana vanamujinguluka. Chize kulikata chapwilenga na ikiye, kwosena kuze, kutala uze kanyike wapwevo kufwa. Uze ndotolo kwimana kusali, na mavoko eyi akuvwunga, mavoko eyi kuchikima, “Ngunahane vitumbo vyosena Ngwatachikiza, kaha hanga . . .”

120 Talenu, apwilenga Yesu kuzata lwola lwosena. Yesu apwilenga nakulinga echi kwapwile pungu, kuneha ulombo muka kufuma muli uze mukweze wamundende. Hanyima chindende, Ngulinakumona ikiye kumbata litepa lyenyi lyalindende lilava nakulikokelalyo, kuvwala kochi jenyi yaupilishitu.

“Kuli uli na kuya?”

121 “Yami . . . Ngunevwu nge Ikiye ali kuchukulo kukalwiji. Nguli nakuya nakumumbata Ikiye!” Mamaah, yami! Kulovoka nakuya!

122 Muli ize ola yakuzeya, ikiye ahashile kusakula: echa mwana kufwa, mokomoko ikiye atachikijile nge chize chikiko kusoloka cha Lizu. Ikiye apwilenga kapilishitu, kaha ikiye atangile Lizu, kaha ikiye atachikijile nge apwile kusoloka cha Kalunga. Kalunga apwile muli Kulishitu, kukindulwisa kaye kuli Ivane. Ikiye atachikijile chize, kaha ikiye apwilenga wakushinjila mwomwo yaukalu. Ikiye mwaluwisa, echa mwana neyi kufwa, mokomoko kwitavila. Omwo ikiye engilile mukuzeya, chapwile mulwola kana luze lukiko na Yesu ejile. Ikiye ayile nakumumona Ikiye. Ikiye ambile ngwenyi—Ikiye ambile ngwenyi, “Nanguya na Ove, kala chuma ove nauhanjika.” Kaha muzevene mujila, kwejile mukakulaha, chuma chamilima haze. Ikiye netavila lyehi, nge ikiye afwelela muli Ikiye. Ikiye tele nalifumisamo lyevene, kaha nakulihaka lyavene kumeso alikungumbuwa, nge ikiye apwile mukakufwelela hali Yesu.

123 Kaha nomu kwejile mukakulaha, ambile ngwenyi, “Kanda katalisa muthu naumweko, mwomwo kanyike kove wapwevo nafu lyehi. Ikiye afwanga zau. Ikiye nafu lyehi. Kanda, kanda kulihulamisa nechi chekako.”

124 Kaha, mamalelo, muchima wenyi waundende nge uhone. Oloze ikiye atalile kaha amwene aze meso a Yesu, ambile

ngwenyi, “Kumana Kangwahanjikanga kuli oveko? Kanda kwivwa womako, kachi ove watondo kumona upahu wa Kalunga. Chuma muka unalizakamina? Ngunakulweke lyehi ove Yami nanguya.”

<sup>125</sup> Ikiye tele nahanjika lyehi ngwenyi Ikiye mweza. Ikiye tele nahanjika Ikiye mwaya nakulinga echi, kaha hano jino Ikiye ali nakuchilinga. Amena. Ikiye ambile ngwenyi Ikiye mwakalovoka hazevene mumakumbi akumakumishilo nakulinga vyuma nge omu Ikiye alingile, nge omu tunatange ufuku unahichi nakuhanjika. Hano jino Ikiye alinakuchilinga. Chuma muka unalizakamina?

<sup>126</sup> Anuka, omwo Ikiye ejile, kaha Ikiye amusanyikile kufuma muvafu. Ikiye ejile hazevene nakumusanyika kufuma muli vafu.

Kashinakaji Mbalachimeu wakapuputa, lwola lumwe, aliwanyine mu ola yamilima.

<sup>127</sup> Yesu apwile kuze, alongesele kulya cha Vaka Gospel Business Men kuze mu—mu Yeliko, kaha Ikiye apwilenga na Zakewu kuze. Ikiye kanda lyehi aliwane nenyi muze mumutondo, kushikumuka muze mujila. Shikaho omwo Ikiye apwilenga . . . Chamwaza, Ikiye kahashile kulongesa chumachekako nawa, Nguli wakukunyuka. Talenu? Shikaho jino omwo Ikiye ejile nakushikumuka kuze, kaha Ikiye—Ikiye amuwanyine, Zakewu ayile Nenyi.

<sup>128</sup> Kashinakaji Mbalachimeu wakapuputa napunga kapuputa kufuma kuwinyike wenyi. Shikaho ashingenyekele nge Yesu nahase kwiza nakulovokela kuchikola kana, kaha ikiye apwilenga nakuvandamina. Hanyima chindende ikiye evwile vyema vyavivulu chikuma, kaha muthuwosena apwile nakwiza.

<sup>129</sup> Kaha ikiye evwile kapilishitu kuhanjika, “Hei! Hei, ove, ove uli nakuya nakukanduka eyi pili! Kumana—kumana—kumana . . .Etu twevwa nge ove weji kusangula vafu. Etu tukwechi lifuka lyakuzala navakiko kuno. Kachi ove wapwa Meshiya, kachi ove wapwa Meshiya, twaya kuno na kusangula ava vafu.”

<sup>130</sup> Munatachikiza, nge liyavolo youmwe ayoya, talenu, muchifwanyisa cha kwitava, mujila yoyimwe. Talenu?

<sup>131</sup> “ove wapwa Meshiya, etu . . .ove sangula vafu; etu tukwechi mafuka afulu hano. Twaya.” Kaha, mamalelo, kala muthu kutambakana. Umwe kutambakana, “Hozana kuli Kapolofweto!” Mukwavo kutambakana *echi, chize*, mokomoko *mukwavo*. Chimbalanganyi kana!

<sup>132</sup> Uze muthu wakapuputa ashinganyekele, “Mamalelo, Ngunamuhono Ikiye. Ikiye ezanga kuno, kaha Ngwashinganyekanga Ikiye mweza kuno. Vananguhake muchihela chakuhenga.” Kaha ikiye aputukile kutambakana. Ikiye ashinganyekele, “Kachi Ikiye napu Lizu, Ikiye napu

Kalunga; Ikiye atela kupwa.” Shikaho, “Ove Yesu, Ove Mwana Ndavichi, pwako nakeke hali yami!” Muli luze lwola lwa kuzeya, ikiye atambakanyine.

<sup>133</sup> Jino Yesu, kachi enu namuya nakutalisaho kanawa hano, apwile ku Yeliko. Kuze vakiko vambile ngwavo ikiye apwile wakutwama, ikiye apwile handulendi na fifite kufuma kuze apwile Yesu. Na vathu vakuheta masauzande kulahila kuli Ikiye, Ikiye kachi numba kumwivwa kachi kamwivwileko kutambakana. Nduma. Oloze Ikiye achivwile. Ikiye emanyine.

<sup>134</sup> Ngwatondo kunangula, maufuku amwe: “Kaha jino Yesu emanyine.” Mamalelo! “Kaha jino Yesu kwimana.” Mamalelo!

<sup>135</sup> Oloze omwo Yesu emanyine, chuma muka chapwile? Ikiye amusanyikile. “Jino Mukakunangula neza. Kanda kulizakaminako,” tumbaji ngwavo “Ikiye alinakukusanyika. Ikiye alinakukusanyika.” Amusanyikile kumufumisa mulizavu.

Ikiye eji kuli chuma chochimwe jino. Evi vili nakwingila? Talenu?

<sup>136</sup> “Uze Mukakunangula neza kaha nakusanyika.” Kaha Ikiye amusanyikile ikiye kufuma muupuputa nakumuneha kukumunyika, fuma mumilima kuneha kukumunyika. Kaha Ikiye amusanyikile ikiye, kuhita kufuma mukufwa kuya Mukuyoya. “Uze Mukakunangula neza kaha Ikiye nakusanyika.” Kaha omwo Ikiye amusanyikile, Ikiye amuhanyine cheka kumona chenyi.

<sup>137</sup> Uze pwevo wamundende na ukalu wamanyinga, lwola lumwe, kuze kupili, anyekele mali eyi osena, kuli va ndotolo. Ikiye, nakukakasana chauchi, vakiko tele vanalanjisa na—na lizavu. Vakiko tela vanalanjisa na—na wande, kupwa wakulanjisa lyehi. Vakiko tele vanenyeke vyosena vize vapwilenga navyo kuli vimbanda, kakwapwile numba umwe amukafwileko. Ikiye atwalileho kuya jino mweka na mweka. Aze manyinga kahashile kwimanako. Kutwalilaho, lika na lika kuhita, ikiye ashikumukile nakushikumuka.

<sup>138</sup> Kaha likumbi limwe, shimbu kutwama haze oku nakutonga, haze hapili kufuma kuze ikiye ayoyelenga, ikiye atalile mwishi muchinema, kaha amwene wato uli nakwiza. Muthuwosena aputukile kwimba, “Hozana kuli Kapolofweto!”

<sup>139</sup> Ikiye apwile tela nevu lyehi hali Ikiye. Lufwelelo kwiza ha kwivwulila. Jino ikiye ambile ngwenyi, “Nannguya nakushikumuka ngukatale hali Ikiye.”

<sup>140</sup> Kaha omwo ikiye aputukile kwenda nakushikumuka, kaha ikiye avangilile kumona Lizu lya Kalunga kusoloka mumusonyi, kuze kuli chumachimwe hali kuhanjika Chenyi na kutala Chenyi, nge ikiye atachikijile nge apwile Ikiye vene. Eyo, mwane. “Mamalelo, kachi Ngunahase kaha kukwata kupwa Chenyi mujila yimwe, kachi Ngunahase kumukwata Ikiye

mujila yimwe!” Kaha ikiye alivembele nakuhita mukachi kalikungumbuwa kukwata kuchikuto Chenyi.

<sup>141</sup> Jino anuka, kawapwile munwe wenyiko uze Ikiye evwile. Nduma, mwane, mwomwo va chikuto cha Kapalachise vyavisuku kaha zuzulu. Kaha Ikiye . . . vakiko va- . . .

Petulu ambile ngwenyi, “Kalamuthu nakukwate Ove.”

<sup>142</sup> Ikiye ambile ngwenyi, “Oloze echi chinapu kukwata chakuhandunuka. Ngunashinganyeka Ngunevwu kuzeya.”

<sup>143</sup> Yesu neza. Mali eyi akumine, vyuma vyosena kuya; oloze muli ize ola omwo manyinga ahonene kwimana, kaha mandotolo kavahashile kuwemikako, Yesu ejile. Kaha chuma Ikiye alingile? Ikiye amusanyikile. Kutala nakujinguluka palanga nomu Ikiye amuwanyine, kaha Ikiye ambile ngwenyi, “Ove wapwanga na ukalu wa manyinga, oloze unakumu.”

<sup>144</sup> “Ikiye napu youmwe zau, lelo, na hayamyaka.” “Uze Mukakunangula neza kaha Ikiye alinakukusanyika. Ikiye neza kaha Ikiye nakusanyika.” Ikiye amusanyikile kukuyoya.

<sup>145</sup> Uze kanyike wapwevo haze halishima, uze twahanjikileho ufuku unahichi, malutalilo osena kuya. Pamo, pamo lunga lyenyi wamajilo amusele, kaha ikiye apwile wanambala sikisi ufuuku uze, kaha ikiye—ikiye apwile mukukakasana chindende hali ikiye. Muujila, apwilemo vene. Ikiye atondele kupwa pwevo lyavene; ikiye, kukakasana chauchi, ikiye apwile nakutanga Mbimbiliya.

<sup>146</sup> Kaha ikiye apwile nakuya lika ngachize, kuya nakukanduka pamo leveni koloko. Ikiye kahashile kwiza washi na chimeneko omwo pwevo wakwoloka ejile. Kaha vakiko vambachile meya avo haitwe, naminyangulo, kaha vayile nakukinduluka. Kaha ikiye kejileko, nakuliwana navo. Vakiko, vakiko vapwilenga nachihandwa chamuyachi uze muli lize likumbi, kwoloka na kuhenga kachatela kuliwanako. Vaze vakaujila vatwamine muvihela vyavo, shikaho kavahashile kwiza hamwe navakwavoko. Vakiko kavahashile kwiza hamwe navakwavoko. Shikaho hanyima ya kala muthu vanambate meya avo na kukinduluka . . . Ikiye ejilile amwaza.

<sup>147</sup> Kaha jino ikiye ejile na ndeho yenyi hamutwe, kukakasana chauchi ikiye apwile nakuya, nakushinganyeka, “Jino, uze lunga Ngwasombokanga, mokmoko, ngwapwanga nenyi ufuku unahichi ngana, Nguli nakukakasana muli ikiye. Ikiye lunga, ikiye kusoloka wamakuli. Nguna—Ngunahono kutachikiza hali ikiye. Kangweshi numba nalihanya. Ngwapwa wakupula muli vathu. Kaha Kangweshi kuhasa kuya kuli aze maukako, vakiko kaveshi . . . Tala kaha hali vakiko! Ngunahono kutachikiza namwakulingila. Yami ngunazeye. Kaha Ngunapunga nakutanga eyi Mbimbiliya; punduvene, likumbi limwe, uze Kapolofweto mwakeza nakusoloka.

Jino Ngunatachikiza ngunahanjika nge kakweshi chuma chakufwana nge echiko, kaha echi chili ngocho, 'Pamo myaka handulendi, kaha myaka sauzande. Etu tunapunga nakutala ha myaka masauzande, kaha echi kanda lyehi chisoloke, shikaho etu tuli nakuchitalijiza.' Vyuma vyosena vili ngocho, 'Mamalelo, nduma, etu tukwechi mauka na vyuma. Etu katwatondele kala chumako nge ngachize jino.'" Shikaho jino ikiye apwilenga nakuya kuza, kushinganyeka.

<sup>148</sup> Munatachikiza, omwo enu namushinganyeka hali Ikiye, haze vene Ikiye mwasoloka kuli ove. Nge etu twapwanga ufuku unahichi, omwo vakiko vapwilenga muungeji wakuya ku Emau.

<sup>149</sup> Omwo ikiye ashinganyekele havyuma kana, ikiye evwile Muthu kuhanjika, "Nguneheleko Yami meya akunwa."

<sup>150</sup> Chuma muka echi? Muze vene mamaola amilima, omwo uze ujila wenyi unanyi. Pamo kanyike wamundende wapwevo, vamwalumwinyine mujila nakuyoya ngachize. Lwola lumwe keshi ukalu wauze kanyike wapwevoko, oloze visemi jenyi, kumwechele ayenga ngachize. Kaha ikize uze, pamo jikambu jenyi jasukama ngachize; ikiye apwile wakusuvilila kutwalilaho, wakuzeya, kaha kakwapwile numba muthu umwe apwilenga na vimwe na ikiyeko, uze mwana, kaha pamo kunyima kwapwile mujimbu waunene.

<sup>151</sup> Kala mwosena omwo, Ngunatachikiza chuma chimwe, ikiye atangile Mbimbiliya, kaha ikiye afwelelele Mbimbiliya. Kaha kuze kwapwile kambuto kakandende kasavala mumuchima wenyi, kuhanjika, "Kachi echi chasolokaho lyehi, Nanguya nachitachikiza." Ikiye apwile wakutongola kuli chize.

<sup>152</sup> Tala hali uze Yuta kwimana haze nakulinga nge omwo ikiye alingile. Kwishi ya muchima wenyi kwapwilenga kulava. Chize Kumunyika chapwilenga nakumunyika hano mumilimo wenyi, oloze kwishi ya muchima wenyi kafwelelele Chizeko. Kaha hano hakiko apwilenga... Talenu, chize Kumunyika kachahashile kushikumuka nakuzeko. Oloze hano ikiye apwilenga, kufwelelele, ikiye kufwelelele Chize, oloze chiyoyelo chenye chapwile mumilima; omwo chize Kumunyika chavetele, Chafumishile milima. Oloze omwo chize Kumunyika chavetele hano, Chahakile milima kwosena. Chize chikiko chihandwa.

<sup>153</sup> Talenu, ikiye asemukilile pungu. Ikiye—ikiye ambile ngwenyi, omwo Ikiye amulwekele malunga vangahi apwile navo, ikiye... Chasolokele ngachilihi? Ikiye asolokele kuwahilila. Ikiye engilile mukuzeya. Ikiye ambile ngwenyi, "Mwane, Ngunafwelelele nge Ove u Kapolofweto. Ngunatachikiza omwo Meshiya mwakeza, Ikiye mwakaya nakulinga evi vyuma kana."

<sup>154</sup> Kahajino Ikiye amusanyikile. Kahajino Ikiye amusanyikile. "Yami Vene, Ou alinakuhanjika na ove." Ikiye amutachikijile kuhichila mu Lizu lya Kalunga. Ikiye amusanyikile ikiye kufuma



mujishili jenyi, kwiza Kukuyoya. Kaha lijina lyenyi lili mu Mbimbiliya, kaha ikiye apwilenga na Kuyoya chauthu lelo.

155 Ikiye nahase kukusanyika ove mwomumwe, mwomwo Ikiye youmwe zau, lelo, na hayamyaka. Uze. . .

156 Yaah, ujila wenyi wayile, oloze ikiye atachikijile nge Ikiye apwile nachize kutachikiza vya mumuchima. Ikiye atachikijile nge atela kupwa Meshiya. Kahajino omwo Yesu ambile ngwenyi, “Yami Vene, Yami Vene,” ikiye atachikijile apwile vene.

157 Lwola lumwe tumbaji vayile muwato, malutalililo osena anakumu. Nyamanganda, vakiko vayile chakuzeneka Yesu, kaha nyamanganda apwile vene—vene nge omu chapwile kuzuvo ya Lazalu. Malutalililo osena anakumu. Uze wato waundende wapwile nakwingisa meya. Kaha vakiko vatetumukile nakutambakana, kaha pamo kulomba na kuya lika, kaha muveso wawesi, kaha wato wazalile na meya, ize mitondo yaholokele, vize vilapo kuhokoka, kaha vakiko valikwachile kuli umwe namukwavo, oku vanakulila.

158 Kaha muze vene mu ola ya milima, kahajino Yesu ejile nakutambuka. Oloze Ikiye asolokele nge muvwimbimbi kuli vakiko. Ikiye asolokele wakuvwisa woma, nge shipilitu, kaha vakiko vatetumukila na woma.

159 Uze ukiko ukalu uliko na lelo. Yesu eji kwizanga muola ya milima, kaha ove uli nawoma wa Chize. Ove unahono kutachikiza chuma muka Chize.

160 Vakiko vahonene nakutachikiza Ikiye apwile ngachilihi. Vakiko vambile ngwavo, “Mamalelo, napu mujimu!” Vakiko vapwilenga nakutetumuka.

161 Kaha jino Ikiye avasanyikile vakiko, ambile ngwenyi, “Kanda kwivwa womako, Yami.” Muze vene muola ya milima, Yesu ejile, Kukafwa chavo. Omu mukiko mujila Ikiye lwola lwosena eji kulinganga, kwiza mu ola ya milima. Kahajino Yesu ejile nakulisolola Lyavene, kaha ejile kuli vakiko.

Petulu ambile ngwenyi, “Kachi Ove, ngwitavile ngwizenga hameya.”

Yesu ambile ngwenyi, “Twaya.”

162 Unatachikiza, masepa? Linwaha Ikiye mwaya nakwiza muze mumakumbi amakumishilo. Jino, echi kacheshi chaungejiko nge liuka lili na eyi ola ya milima cheka?

163 Nguli nakuya nakuhanjika chumachimwe hano. Echi kashi nakuya nakupwa kunangulako. Nguli kaha nakupolofweta. Enu munejiva omwo chasolokele? Echi nachize kuchihela chimwe, linwaha, mbatenu lizu lyami, evi vikungulwilo vyosena vili nakuya nakulinunga mu Kasulu Yayinene yakaye. Kachi vakiko kavate, vakiko kaveshi kuhasa kupwa na kukafwa kufuma mu Kasulu ko. Shikaho, navakaya nakukana, kaha kakweshi umwe

mwakaya kuli awa maukako, mokomoko kuya kukala mauka; kuvangila enu muli na lusona lwakufuma kuliuka lyenu, enu kamweshi kuhasa kulanda mokomoko kulanjisa. Mwamono chili kaha nge omu chapwile, shikaho mukiko chili nakuya nakupwa cheka, lusona lwa chisuma. Kaha liuka, vakiko kutachikiza chize, vathu vashipilitu.

<sup>164</sup> Kaha enu vathu Vachipendekosita, kalamwosena omwo, etu tuli nakutachikiza echi. Enu munaputuka kwivwa echi. Omwo mauka enu, enu mazavu amavulu a Chipendekosita; kaha Kangwatela kusanyika majina enuko, oloze enu munatachikiza vene jino vakiko vali—vakiko vali nakwiza muli echi. Vakiko vanalimwena nge vakiko vapwa. Kaha omwo enu namulinga ngocho, chuma muka mulinakuya nakulinga? Enu muli nakuya nakuhana kunangula cha Kwambulula mujimbu wamwaza cha lujimiko lwa Shipilitu Wajila. Ove watela kuya nakuhana chize kunangula cha Mbimbiliya.

<sup>165</sup> Kaha mamembala navakaya nakwimana hali echi. Vamwenemwene vakusemuka chachihya Vakakulishitu navakaya nakufwa, chatete. Vakiko vanava huhumuna na eli Lizu. Vakiko vatachikiza chuma kana chili nakwiza. Eyo, mwane.

<sup>166</sup> Kaha echi kacheshi chaungejiko? Kaha omu vene mu ola ya milima, jino Yesu kwiza na kutusanyika etu, ambile ngwenyi, “Kanda kwivwa womako. Yami Vene. Yami hanga nguli naenu. Nguli hano kusolola Lizu Lyami.” Nge omu Ikiye apwilenga, shikaho mukiko Ikiye ali jino. Ikiye ambile Ikiye mwaya nakulinga ngachize. Mamaah yami! Uze Mukakunangula neza kaha natusanyika etu.

<sup>167</sup> Vakakuviza vavavulu hano, kukakasana chauchi, nge vanatwame hano, kaha ndotolo namilweke enu nge kakweshi numba—numba litalililo hali oveko. Ove unahase kupwa mu ola ya milima, oloze, anuka, uze Mukakunangula neza kaha ali nakukusanyika ove.

<sup>168</sup> Kaha likumbi limwe, likumbi limwe, ou Mukakunangula mwakaya nakwiza na kusanyika kala lijina lize vasoneka ha Mukanda wa Kuyoya wa mwana Mukoko. Kachi lyove kalyeshimoko, lihakemo jino, mwomwo Ikiye mwakeza nakusanyika. Navaze vali muvimbumbembe navakaya nakwivwa Lizu Lyenyi na kulovoka na Kuyoya. Uze Mukakunangula mwakaya nakwiza nakukusanyika. Kaha shimbu Ikiye ali nakukusanyika lelo, kumbulula nakuliwahisa hali lize Likumbi, chikiko kukafwa chami kuli enu.

<sup>169</sup> Lushiko lwachino chisemunuino, Ikiye ashikile Ikiye mwakaya nakupwa hano. Evi vyuma vize Ikiye alingile, Ikiye mwakaya nakuvilinga cheka, kaha jino cheka Mukakunangula neza kaha alinakukusanyika.

170 Echa etu tunongame mitwe yetu. Ngukwechi mapapilo sikisi hano, oloze Kangweshi—Kangweshi kuhasa kuhetako jino. Echa tunongamenu mitwe yetu. Ngwamishikanga kumwecha washi, kaha chinapu lyehi chimbwa kuhambakana.

171 Tata wa Mwilu, Ove Mwata, echa chisoloke cheka. Vyuma vyosena evi Ngunahanjika, “Yesu neza nakusanyika enu.” Chuma muka Ikiye mwalinga nge Ikiye mweza? Ikiye mwasanyika. Kaha echa chisoloke cheka, Mwata. Echa Shipilitu Yove Wajila ezenga mukachi kavathu ufuku uno, Mwata Yesu muchifwanyisa cha—cha Shipilitu. Echa Ikiye ezenga ufuku uno na kulisolola Lyavene, kahajino kulisolola Lyavene. Nge vaze vathu, omu vafwelelele, etu natuya nakufwelela, nawa, Mwata. Kuli vavavulu hano, pamo, vaze kavapwile na eli lisesa. Etu twalombo nge Ove muya nakuvahana vakiko ufkuuno. Twalombo echi ha upahu wa Kalunga, mu Lijina Iya Yesu. Amena.

172 Echi chakwoloka, ndumbu wapwevo, oloze twalilenuho kuya na echi. Echi chakwoloka. Yako lika kulutwe. Mamalelo, mukuhola, muthu wosena.

173 Ove wafwelela nge Ikiye mweza? Ikiye echi kuchilinga. Kutala Ikiye hanga asanyika omwo Ikiye mweza? Jino kachi ove muya kaha nakufwelela. Kachi ove muya kaha nakufwelela eli Lizu Iya Kalunga, Kalunga mwaya nakukuhanacho.

174 Jino tala, Kangweshi na lwola lwakusanyika mukana wakulombelela hanoko. Nguli nakusanyika vakiko ufukuuno, kuze, kachi Mwata mwetavila. Uze Mukakunangula neza. Ikiye atela kwiza nakuzalisa eli Lizu Lyenyi mumakumbi akumakumishilo. Kaha omwo Ikiye apwilenga, Mukiko ali nalelo. Kusoloka Chenyi mokomoko kulisolola chapwilenga ngachilihi jino, mukiko chili nalelo, mwomwo Ikiye hanga ali Lizu Iya Kalunga. Ove wafwelela echi? Kaha eli Lizu Iya Kalunga linapu Mukakutachikiza vishinganyeka, mukachi ka muchima. Kaha mujila Ikiye alingile, ikiko jila Ikiye nachilingi. Ikiye hanga youmwe. Kachi Ikiye mwaya nakulinga chize, nauya nakumufwelela Ikiye? Nachiya nakumilingisa enu kumufwelela Ikiye?

175 Enu vathu muli kuze jino, echa tutale chatete nakumona kachi kuliko muthuumwe uze Ngunatachikiza, natwame kumwe muno, uze Ngwatachikiza.

176 Vosena vaze vanajinguluka, vali hano, vaze kavangwijiva yamiko, zundulenu mavoko enu; enu munatachikiza nge Kangwatachiza numba chuma chimwe muli enuko, kaha enu munaviji, zundulenu mavoko enu. Ngwashinganyeka, muthu wosena. Chosena chakwoloka, jino, enu mwafwelela. Ove fwelela na muchima wove wosena. Kanda kukakasanako. Pwako nalufwelelo. Fwalela Kalunga.

177 Nguli nakuya nakumilomba enu kupwa vakuunda, twamenu. Kanda kuzungumuka jino, ngwalembe kanda. Talenu? Talenu? Enu muli—muli na mwono, mujimba, na shipilitu. Kaha shipilitu yenu...Kaha Shipilitu Wajila apwa vene wakuvanguluka.

178 Vangahi vananuka, myaka ingahi, uze ikiye Shipilitu Wajila, omwo Ngwejile hano nakumilweka? Omwo Ngwambachile vathu na mavoko, Ikiye angulwekele yami echi kutachikiza vyuma vili nakwiza, kaha nakuya? Enu anukenu, anuka chize? Oloze Ikiye ambile ngwenyi, “Kachi ove muhasa kulingisa vathu kukufwelela ove.” Anukaaze makumbi, myaka yakunyima okwo? Enu mwatela kufwelela.

179 Ngwamwene muthu, Ngwafwelela nge chapwile hano ha kuliwana, kutwama hazevene. Kaha ou Shipilitu Wajila...Ngunapunga nakutala hali ikiye omu Ngwapwanga nakunangula. Ikiye apwile muthu wachitonji. Ikiye apwile na mikombo mwishi ya mavoko eyi. Kaha kupwa kaha omwo Ngwaputukile kumusanyika, Satana ejile kuli uze lunga, muvwimbimbi wilava. Kaha jino Ngwatalile na meso ami. Ikiye akatukile na kutambuka. Ikiye mwakaya lwola lwosena chitonji, talenu. Kaha shikaho, ikiye kachi ayoyele hazevene kachi kaha—kaha...Talenu? Oloze, kaha, Ngunahono kutachikiza mwomwoika. Ngunashinganyeka ikiye evwulile muli mukakole. Oloze kachi enu namuhasa kwimana na kutala ize mivwimbimbi, talenu vize vyuma kana, mujila vikiko vyapwa, nakuyitala omwo yeji kulinganga. Talenu, nachiya nakupwa... .

180 Jino, Kangweshi kuhasa kukako. Uze lunga eji kuilwekanga nge ejikukanga, ikiye ali wakuhenga. Enu vamyuka lyehi. Oloze, chinapu kwitavila Kupwa cha Yesu Kulishitu. Jino kachi Malita atachikijile nge Ikiye mwaya nakumumona cheka, nge mwaya nakutambula kufwila chenyi, mwomwo Ikiye apwile kusoloka cha Lizu, katweshi kuhasa kufwelela chikuma ufuku unno, kufwelela echi? Punduvene, etu twatela. Ikiye neza. Ikiye neza, Ikiye neza muchifwanyisa cha Shipilitu Wajila. Uze Ikiye Uze vene. Jino ove lomba kaha.

181 Talenu, helu hano, kachi Ngukwechi mthuumwe nemana hano, hanovene hamwe na yami, kaha—kaha nakulomba; mwamono, vathu vavavulu kulomba, chili jino muzuvo yosena. Enu mwatela kutala kaha. Ove kaweshi kuhanjika, “Ngwove, Ndumbu walunga Branham...” Nduma, mwane. Kangwa—Kangweshi kuhasa kulinga ngachizeko, kuhambakana nge ngulotele chilota. Talenu? Ove unahase kulota. Ove, Kalunga nahase kukuhana ove chilota chayami, ove fwelela chize, oloze kaweshi kuhasa kulinga ove lyaveneko. Ove kaweshi kuhasa kuhanjika, nge, “Ndumbu walunga Branham, Nguli nakuya nakukulotela chilota jino.” Nduma, ove kaweshi kuhasa kulinga ngachizeko. Chipwe Yami kumona chimweno. Wosena mwahana

chilota kuli ove, uze ikiye atela kuchilinga. Mujila yoyimwe na chimweno nawa.

<sup>182</sup> Nguli nakumona lunga natwame hano vene kusongo ya mukana, na musongo wakatenda muvifuwa. Kachi ikiye mwaya nakufwelela na muchima wosena, Kalunga mwaya nakumuhindula uze musongo wakatenda muvifuwa. Ove wafwelela Ikiye kuya nakulinga ngocho, mwane? Natwame kuze, lunga waku Mexico, kutwama kusongo ya mukana, nauya nakufwelela echi? Chosena chakwoloka, mwane.

<sup>183</sup> Uze pwevo natwame wakulihata na ove, naikiye nawa musongo wakatenda muvifuwa, nawa. Ove wafwelela Kalunga mwaya nakukuhindula, pwevo wakalemesa? (Ali *na* wakukashiwa kuli echi? Ngunevwu woma vathu kanda na mwivwa echiko.) Ove muya? Chosena chakwoloka.

<sup>184</sup> Ngachilihi uze mukwavo wapwevo wamundende wakufuma ku Mexico natwame nenyi? Ikiye alinakuyanda na ukalu wamujimo. Ove wafwelela Kalunga mwaya nakukuhindula lijimo lyove pwevo wakalemesa?

<sup>185</sup> Ikiye natambula. Omwo Ngwamono chize Kumunyika kuya, kulumbununa chasoloka. Yaah. Mukiko kaha. Yamukwachile ikiye. Mukiko chapwile Chize, kujinguluka hazevene. . . [Hatepu ha pimbi—Muka.] . . mukiko yalingile. Talenu? Omwo Ikiye nawane lufwelelo! Talenu, “Vyuma vyavivulu Ikiye keshi kuhasa kuvilingako mwomwo ya kuzeneka kufwelela chavo.”

<sup>186</sup> Hano hanatwame pwevo wakalemesa ali nakulomba, hanovene. Ikiye ali nawoma. Ikiye atele kupwa. Ikiye ali na ukalu wa kansa, yayipi vene. Kangwakwijivako, oloze Kalunga akutachikiza. Ove wafwelela nge Kalunga nahase kungulweka yami hali eyi kansa, mokomoko chuma chikwavo? Tala hali yami. Muze muli vavavulu vali nakulomba, mwamono, echi chikiko Nguli nakuhanjika hali echi. Tala hali etu. Jino, eyo, ove kawafuma munoko, lino keshi limbo lyoveko. Ove wafuma kuchihela vavuluka ngwavo Porterville, California. Echi chakwoloka. Ove wafwelela Kalunga nahase kungulweka ove uhiya? Ikiye akwijiva. Atachikiza lijina lyove Pwevo. Iya Wintham. Echi chakwoloka. Jino fwelela, kaha kansa nayikufuma. “Kachi ove mufwelela.” Mukiko kaha Kalunga mwakulomba ove kulinga. “Kachi ove mufwelela.”

<sup>187</sup> Ove wafwelela namuchima wove wosena? Muthuumwe muli eli lizavu *hano*, kaweshi kuhasa kufwelelako? Uze Mukakunangula neza kaha nakusanyika ove. Ikiye alinakukusanyika ove kufuma mukufwa nakuya mu Kuyoya, kufuma mumisongo mu kulikangula.

<sup>188</sup> Hano hali lunga natwame kunyima kuze hano, namutwe wakunongama, nakulomba. Ikiye keshi vene nakulomba hali lyaveneko, ali nakulombela muthu weka nawa. Napu nge—nge

kanyike wapwevo. Napu mwaneyi wapwevo. Ove wafwelela, mwane? Ove ukwechi ukalau na mahinji ove. Ove ukwechi ukalu na mambuli ove. Echi chakwoloka. Kanda tuhu mulilako, Ikiye uze aliamwe naove. Mwanove wapwevo ali muchipatela, keshi ngochoko? Ukalu wa tuberculosis. Ove unafwelela. Ove unafwelela? Ou Mukakunangula neza na kumusanyika. Muya nakufwelela, kupwa ise? Muya? Echa Ikiye amutambukile uno ufuku, kaha enu. Echa ukume.

<sup>189</sup> Hano hakiko hali kanyike walunga, nameso achile. Ikiye ali nakuyanda na musongo wachikova, kaha tulo, wamundende waku Mexico, kanyike walunga waku Mexico natwame haze. Ikiye kafuma munoko. Ikiye afuma ku San Jose. Ove wafwelela, mwana? Chuma chikwavo, iso ali hano na ove. Ikiye mukakuzata muliuka. Echi chakwoloka. Ove wafwelela Kalunga nahase kungulweka yami lijina lyove? Nachikulungisa ove kufwelela mwakujikiza? Lijina lyove Reuben. Jino fwelela. Uh-huum. Kalunga mwaya nakukulunisa ove kupwa kanawa.

<sup>190</sup> Uze Mukakunangula neza kaha Ikiye ali nakukusanyika ove. Mamalelo, mukashili, mamalelo, muthu wakuviza, kaweshi nakumonako, kaweshi nakumona uze Mukakunangula kusoloka muuthu, mukachi kavakufwelela? Ikiye neza nakukusanyika vana Venyi vakufwelela kulikakungula. Ikiye neza nakukusanyika mukashili kwalumuka nakupihilila. Mukakukinduluka kunyima, membala waliuka, Mukakunangula kwiza na kusanyika ove.

<sup>191</sup> Ove wafwelela echi? Ove wafwelela echi ha kutonda chove jino? Kachi ove wafwelela, zundula livoko lyove, nakuhanjika, “Ngwafwelela hakutondeka chami.” Kahajino imana hamahinji ove jino na kwitavila echi. Ou Mukakunangula neza kaha ali nakukusanyika ove. Kaha kala wosena ove, kala chuma ove uanatondo, Mukakunangula neza kaha Ikiye ali nakukusanyika. Ikiye apwa youmwe zau, lelo, na haya myaka.

<sup>192</sup> Uze ikiye kanyike wapwevo wamundende ayile mumbongi, kaha ambile ngwenyi, “Twaya, mumone ou Lunga Uze nangulweke kuhenga chami.” Ove kawayanga mumbongiko. Ove twaya umone, ovelyavene, shikaho Mukakunangula neza kaha nakusanyika ove.

<sup>193</sup> Zundula mavoko ove na kwalisa Ikiye, nakuhanjika, “Mwata Yesu, Ngumuka shili; ngukonekele. Ngumukakinduluka kunyima; ngukindulwise, Mwata. Ngunatondeka Shipilitu Wajila; kunguzalisa. Ngunaviji; nguuke. Nguchitoji; ngulingise kupwa kanaw.” Ou Mukakunangula neza kaha nakusanyika ove. Zundula mavoko ove jino na kumuhana Ikiye kwalisa. Amena.

<sup>194</sup> (Tuhane mwakwimbila hano, “Nanguya nakumwalisa Ikiye, Nanguya nakumwalisa Ikiye.” Munatachikiza? *Yami Nanguya Nakumwalisa ikiye*. Munatachikiza nge, ove kawatachikizako?)

Ove wafwelela?

Nangumwalisa Ikiye, Nangumwalisa Ikiye,  
Mamalelo, kwalisa mwana Mukoko wakujihila  
hali vakashili;  
Muhane Ikiye upahu, enu vathu vosena,  
Mwomwo Manyinga Enyi anakoso mapenga  
osena.

<sup>195</sup> Ove wamuzanga Ikiye? Jino kaweshi kuzanga kwimbila Ikiye ko shimbu Ikiye ali hnao? Ikiye napu Shipilitu kutambuka nakujinguluka muzuvo. Ikiye atachikiza michima, atachikiza vyosena hali ove. Echa tumwimbile Ikiye, na muchima yetu.

Nanguya nakumwalisa Ikiye. . .

Zundula mavoko omwo enu namuchilinga.

Ngwa. . .

Jino kumwalisa kaha Ikiye.

. . . kumwalisa Ikiye,  
Mamalelo, kwalisa mwana Mukoko  
hakumujihila hali mukashili;  
Mamalelo, muhane Ikiye upahu, enu vathu  
vosena,  
Mwomwo Manyinga Enyi anakoso mapenga  
osena.

<sup>196</sup> Mamalelo, pwevo wakalemesa, ove uli muchitwamo mukalikoki, kachi muya kaha nakufwelela chindende kaha.

Nguli. . .

Echa tucheseke cheka. Nguli nakuvandamina hachuma chimwe.

Nangumwalisa Ikiye, Nangumwalisa Ikiye,  
Mamalelo, kwalisa mwana Mukoko  
hakumujihila hali mukashili;  
Muhane Ikiye upahu, enu vathu vosena,  
Mwomwo Manyinga Enyi anakoso mapenga  
osena.

<sup>197</sup> Jino shimbu etu tuli nakwimba cheka, alumuka, kwatako mthuumwe kulivoko, shimbu etu tuli nakwimba, kwimba, “Nanguya nakumwalisa Ikiye.” Twayenu, vosena hamwe jino.

Nangumwalisa Ikiye, Nangumwalisa Ikiye,  
Kumwalisa mwana Mukoko wakujihila hali  
mukashili;  
Muhane Ikiye upahu, enu vathu vosena,  
Mwomwo Manyinga Enyi anakoso mapenga  
osena.

<sup>198</sup> Mamalelo, mukashili sepa, ove kaweshi kutambuka nakwiza jino? Twaya na kuhana Ikiye kwalisa, enu vathu vosena.

Enu vathu vosena mwatondo kwitavila Ikiye kupwa Mulwilo. Kupwa Kumeso Eyi, shimbu vakakujila vali nakulifukula mu Shipilitu, kamweshi enu kwiza hano na kwimana? Kuhanjika, “Ngwatondo kwambulula, ufukuuno. Ngwatondo kumuhana Ikiye kwalisa. Ngwatondo kwiza. Kangweshi na sonyiko hali Ikiye. Ngwatondo kaye kutachikiza nge Ngwamwitavila Ikiye kupwa Mulwilo wami, hano vene shimbu Ikiye ali hano.” Twaya shimbu etu tuli nakwimba.

Nanguya nakumwalisa Ikiye . . .

Kaweshi kuhasa kwiza?

. . . Nanguya nakumwalisa Ikiye,  
Mamalelo, kumwalisa mwana Mukoko  
hakumujihila hali mukashili;  
Mamalelo, muhane Ikiye Upahau, enu vathu  
vosena,  
Mwomwo Manyinga Enyi anakoso mapenga  
osena.

<sup>199</sup> Mamalelo, mukiko kaha, twaya kaha. Hiya nawa mwaya nakwiza, Kumeso a Kulishitu? Twaya hano vene, ndumbu wapwevo, imana hano.

<sup>200</sup> Vathu veka vakwavo vanatondo Ikiye kupwa Mulwilo wove, hano vene, uze keshi nasonyiko. Ikiye ambile ngwenyi, “Kachi ove Munguvwila sonyi kumeso avathu, Nanguya nakukuvwila sonyi kumeso a Tata Yami na Vangelo vajila.” Kachi ove kaweshi na sonyiko ya Ikiye jino, kaha ove unatondo Ikiye kupwa Mulwilo wove, shimbu Ikiye ali hano! Ove unamumono Ikiye. Echi chinapunga chakukupuka, Lizu Lyavene kulilingisa Kutachikikijiwa. Twaya kuno shimbu vakakujila vali nakulifukula jino. Kaweshi kuhasa kwizako?

<sup>201</sup> Kalunga akukisule, mwane. Ou mweza pwevo wakalemesa wakashinakaji, nakolovene. Ove kaweshi kuhasa kwiza jino?

Nanguya . . .

Kuwimba jino.

. . . Nanguya nakumwalisa . . .

<sup>202</sup> Echi chakwoloka, vakweze, twayenu nakujujuluka. Mwalisenuka kaha. Kalunga akukisule, pwevo wakalemesa, omu mukiko mujila mwakuchilingila. Kalunga akukisule, enu vakweze.

. . . kumujihila hali vakashili;  
Muhane Ikiye upahu, enu vathu vosena,  
Mwomwo Manyinga Enyi anakoso mapenga  
osena.

<sup>203</sup> Shimbu vakakuzata vali nakuya nava vathu jino kakweshi wekako mweza? Mukakukinduluka kunyima, nauya nakwiza, hanjika, “Ngulinakwivwa sonyi ha chiyoyelo chami”? Hano Ikiye



ali. Ove wafwelela yami kupwa ngamba ya Kalunga? Zundula mavoko enu. Mwomwoika, Yesu Kulishitu ali mukachi ketu. Kaweshi kuhasa kwizako?

Muhane Ikiye upahau . . .

Ove kaweshi kuhasa kwiza, muhane Ikiye upahu?

. . .vathu,  
Ha Manyinga Eyi nakoso . . .

<sup>204</sup> Malita, ove uli nakwiza, mokomoko ove muya nakutwama muzuvo na Maliya? Uli nakwiza nakutwama cheka muvikungulwilo, nakuhanjika, “Mamalelo, liuka lyami kalyafwelela Evi mujila kana,” omwo Kulishitu nasoloka? Nanuya nakutwama na kuhanjika nge, mokomoko kwiza nakulovoka? “Chamwaza, Nanguya nakumilweka, omwo Nguli . . .” Nduma. Lelo, eyi ikiko ola. Kufwa chinemana kwakamwihi na ove, nge mwana wapwevo Jairus.

<sup>205</sup> Twaya jino! Mukakukinduluka hanyima, twaya jino. Mukashili, twaya jino. Elu lukiko lwola. Uze Mukakunangula nakusanyika kaha Ikiye nakusanyika ove. Ikiye ali nakukusanyika. Ove hanjika, “Nangwijiva Ngachilihi?” Ikiye alinakuzachisa lizu lyami. Kachi Ikiye eji kuzachisa lizu lyami kwambulula misongo, kuyanda na vyuma, kawatachikiza Ikiye nalinakukusanyika nawa ha shili? Lovokamo! Twaya jino, echi chinahase kupwa lisesa lya makumishilo ove unahase kupwa nalyo.

<sup>206</sup> Cheka nawa, muli vavavulu muno vatela kwiza hano, masepa. Kangwazangile kumikumbatako, kumisanyika enu ngachizeko. Chize keshi chakwolokako. Kachi enu lwolalumwe pamo . . . Vaze va Fwaliseu vashinganyekele nge vali vakulwila, oloze vakiko kavapwile ngocho. Ove uli nakushinganyeka chuma chochimwe. Twaya jino.

<sup>207</sup> Pwenu vakukunyuka! Kanda, kanda kaha kumbata lisesa lya chimbwa. Kachi kuli kukakasana chachindende mu wongo wove, kanda kumbata eli lisesako. Twaya jino. Jino luno hilwola, jino shimbu Kaselwoke nasokoloka, shimbu Shipilitu Wajila ali hano. Ou Mukakunangula neza. Chize kukakasana chachindende, chikiko Ikiye ali nakweseka kukulweka, “Ove uli nakukakasana.” Chihane. Twaya, jino. Ou Mukakunangula neza kaha ali nakukusanyika. Echi chakwoloka, twalilaho kwiza, twalilaho kwiza.


Nanguya nakumwalisa Ikiye, Nanguya  
nakumwalisa Ikiye,

Kaweshi kuhasa kwiza na kumwalisa Ikiye ko?

Kumwalisa mwana Mukoko wakuji hila hali  
 mukashili;  
 Muhane Ikiye upahu, enu vathu vosena,  
 Mwomwo Manyinga Enyi anakoso mapenga  
 osena.

<sup>208</sup> Jino shimbu vakashili vali nakwiza, nakumutonda Ikiye;  
 echa vathu vamuhane Ikiye kwalisa, shimbu etu natwimba  
 jino. Namavoko akuzundula, kwimba nakumwalisa Ikiye, jino,  
 hamwe.

Nangumwalisa Ikiye, Nangumwalisa Ikiye,  
 Kumwalisa mwana Mukoko hakujila hali  
 vakashili!

<sup>209</sup> Muhanenu Ikiye kaha kwalisa! Enu vathu muli muno,  
 lombamba, mulombe Ikiye akuhane ove. Omu mukiko Ikiye mwaya  
 nakulinga. Ou Mukakunangula neza kaha alinakukusanyika.  
 Kalunga amikisule. 

*KAHA JINO YESU VAMUSANYIKILE NA KWIZA* LVE64-0213

(Then Jesus Came And Called)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chiwana na chingoloshi, Kutatu 13, 1964, ku Elliott Auditorium mu Tulare, California, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)